

光緒重修安徽通志

重修安徽通志卷二百四十一

人物志

孝友

池州府

唐費冠卿字子車青陽人元和二年進士聞母病革馳歸而母已葬遂廬墓終喪隱於少微峯下御史李行修薦其孝行拜右拾遺冠卿嘆曰得祿養親耳親喪何以祿爲再詔不起一疏何澄粹池州人親病日痼俗尙鬼病者不進藥澄粹剔股肉進親疾爲瘳後親歿伏於墓哭踊無數以毀卒當時號青陽孝子士爲作誄甚眾

唐書孝友傳

周繇字爲憲至德人咸通進士僕射王徽稱其孝友可以表俗奏爲至德令與弟繁俱以奏賦得名時稱二周

摭言

朱方綱青陽人八世同爨家屬七百口居室六十區每旦鳴鼓會食嘗出稻五千筭振貸貧民景德二年轉運使馮亮以聞詔旌其門侍御史韓億安撫江南使還言綱家稅籍錢四百餘千米二千五百斛同居四百年而本縣科率一無寬假望蠲其戶雜科詔從之

宋史本傳

陳讚青陽人父叔漢元豐間官池州僉判卒葬於池讚廬墓不去遂家焉

青陽縣志

諸大道青陽人嘉定間博士父信令青陽卒葬九華大道廬墓三年遂家焉明初廬猶在壁間有常遇春題詩

池州府志

余起銅陵人一門義聚至千三百餘人同爨而食子孫多以科

第顯

萬姓統譜

鍾儁銅陵人官祕書郎其先自唐時至儁十一世同居合家爨

七百餘口朝命獎其義

江南通志 案地陵縣志引萬姓統譜廣輿記作阮鍾偶

葉蒼貴池人母九月病渴思生李蒼走吳園中忽從葉底得雙

李以奉母病卽愈人以爲孝感

江南通志

汪與成銅陵人建炎初遭寇亂一家盡斃後與成得父屍改葬

念尙不得其母骸刻木肖像侍之十年而耐於父之墓

江南通志

柯應烈建德人性孝嗜學母閻氏病不解衣侍湯藥癯瘠盡瘁

每夕露禱減算以益母壽俄聞空中有聲許特延一紀母痊果

十二年而後歿時江淮盜起應烈傾家資募義勇鄉里賴以安

有欲官之者辭不受

萬姓統譜 江南通志

元李鵬飛貴池人生母姚爲嫡母不容嫁之朱氏鵬飛初不知

既長思慕哀痛誓學醫以濟人願早見母行求三歲至蘄州羅

田縣得之時朱氏家方疫鵬飛起之遂迎還奉養久之復歸朱

氏時渡江省覲既卒歲時攜子孫祭墓終其身以有司請旌其

廬

元史羊仁傳

方時發字子春青陽人綱之後累世同居一依綱家法爲義門

達嚕噶齊史午聞於朝旌門蠲役至正二年敕授潮州教授

元史

孝友傳敘萬姓統譜江南通志

何辰乙青陽人延祐中以孝旌建有純孝坊

青陽縣志

明何子敏青陽人與弟子芳子英相友愛洪武時子敏以遲稅

得罪芳代之就獄英亦隨往並死於金陵

青陽縣志

陳璋青陽人事親孝父母歿俱廬墓三年

池州府志

章仲和青陽人自涇縣徙性至孝母卒負土成墳廬墓五年

池州府志

府志

童彥方建德人洪武時五世同居同邑徐永元六世同居正統

二年出穀二千石助賑旌爲義民

江南通志

何永敬建德人七世同居成化閒旌爲義門

明史孝義傳敘

姚燠貴池人少孤事母孝一弟早夭燠恤嫠撫孤不析爨者三

世母疾徧禱諸祠請以身代母隨愈而燠竟以卒

一統志

桂士訓石埭人祖父母及父病士訓皆割股進俱得痊

江南通志

陳廷裕石埭人幼育於祖母祖母病割股療之同邑章友恭母

病割股以進遂痊後官福州左衛經歷

江南通志池州府志

楊永顯石埭人母病割股以進得愈家極貧父母卒負土築墳

不離墓側

國朝乾隆二十年

旌表建坊

江南舊通志池州府志

方時潮貴池人兩割股以愈親疾親病目舐之復明事聞得旌

同邑王文元親病割股以療及卒廬墓不歸天啟二年旌

池州府志

貴池

縣志

王學詩貴池人嘗割股愈母疾推宅讓弟而結茅以處當貢以

親老不赴廷試同邑陳光祥割股愈親推所有田廬讓弟後授

州幕親老不之官

池州府志

程璋青陽人母早寡遺腹生璋及長痛母節未彰正德中徒步

詣京師刺血上疏特旨旌表

江南通志

章忠銅陵人母病割股療之及卒廬墓十二年兄嫂客死京師

徒步往扶其柩歸合邑義之

江南通志

王萬年銅陵人兩割股以愈母疾父母歿俱廬墓三年同邑余

繼亮亦兩割股以愈親疾

江南通志

袁淮儒銅陵人年十五割股療父疾後惟儒老病子一貴亦割

股療之

江南通志

沈大良石埭人三割股以愈親疾父母歿各廬墓三年同邑李

郁父疾割股以進得痊

池州府志

李源建德人父病割股以療得愈及卒廬墓三年同邑柯極林

割股愈祖母疾又江景德割股愈父疾母病目舐之復明及卒

廬墓刻木爲像朝夕哭奠三年不輟

江南通志池州府志

曹奎建德人父母早歿與兄煥理相友愛奎病煥理割股和藥

以愈之奎與同里柯薌同舟薌溺水死奎沿江哭以求之薌尸

忽躍出奎收葬之

池州府志

柯達建德人母病割左股以進父病割右股以進皆得愈及卒

皆廬墓三年萬厯閒旌

江南通志

葉宗泚路執中何廷元皆建德人俱以割股救親聞

池州府志

宋益宗東流人父病刲股療之得愈同邑蘇光翰兩刲股以愈

親疾又宋楨母疾刲股得愈

江南舊志

邢守義東流人本養子母疾刲股以進得愈

池州府志

張桀東流人刲股以愈母疾後桀病其子有祐亦刲股二次愈

之

池州府志

江有鯉東流人親歿廬墓三年

池州府志

李希仁青陽人少孤事母孝及卒廬墓三年正德中以孝旌

明史

孝義傳敘江南舊志

汪相貴池貢生母歿廬墓三年慈產紅芝後歷官東化知州有

惠政同邑庠生方遵聖母卒茹齋廬墓又張大甲母年百歲卒

大甲年已八十猶廬墓三年

池州府志貴池縣志

梅逢泰貴池人客新安忽心痛曰吾母得毋有不安乎乃星夜

歸省而母已不起逢泰慟哭成禮廬墓三年同邑吳涑居母喪

日作孺子泣廬墓三年遂遭疾卒又舒玠父歿廬墓哭聲達聞

至禪不哀山多虎玠廬三年虎遂絕跡

池州府志
貴池縣志

孫懋述字清華青陽人居喪哀毀廬墓九年有馴雀之異郡邑

屢舉孝子以貢歷忠州學正署州事值懋曾之亂有守城功

通志

吳景良青陽人居父喪哀毀骨立母卒廬墓守喪同邑徐中時

陳明慶甯三仁施承詢拔貢陳明條廩生吳名登皆以親歿廬

墓聞

池州府志
青陽縣志

陳邦騫青陽人父母繼歿廬墓六年同邑陳復源父客死粵東

號泣奔赴扶柩歸而母卒既合葬泣血廬墓二十餘年

池州府志
青陽縣志

陽縣志

何應秋青陽庠生事繼母孝及卒廬墓三年南陽縣志

陳希哲銅陵貢生官日照訓導與弟希爵希和兄弟皆有孝行

父母卒同廬墓六年池州府志

張懋功銅陵庠生親歿廬墓三年同邑諸生方國輔母卒廬墓

三年又潘南者家貧至孝母歿不能葺廬乃以數席爲蓋棲止

其中三年始歸池州府志

宋鏊銅陵人母歿廬墓刻木肖像事之如生銅陵縣志

夏鎮石埭人父早亡傭工養母母喪明終日以舌舐之而愈及

卒結茅墓側哭不輟聲一日野燒將及其廬鎮伏棺痛哭風返

火熄人以爲孝感江南通志

章文煒石埭人父卒與弟文燧結廬墓側人稱雙孝同邑貢生

桂達治母卒廬墓後官章邱丞石埭縣志

徐完建德人母早亡孝事繼母盜劫其家執而問其父以刃脅之終不言盜感歎去父歿廬墓三年痛母不逮養刻木以事三年穿墓旁瘞之

池州府志

姚鑑建德人母年九十七病疽鑑年亦七十晝夜侍躬浣滌其中裙廁牘及卒廬墓三年

池州府志

江大興建德人事繼母孝母病風痺不能行輒背負之侍父疾不解衣帶者數年及卒廬墓三年

池州府志

王之光建德石工也早失怙事母孝母病刲股長齋以祈母壽及卒廬墓三年

建德縣志

吳永廉青陽人幼失怙晝夜號泣致毀瘠後以輸粟賑饑成化三年旌

江南通志

徐昱銅陵人其家千指同爨宣德景泰成化間五捐穀助賑凡

數千斛其他善事不可枚舉

江南通志

袁思瓊銅陵人五世同居獨建明倫堂造橋助賑善事備舉宏

治閒旌

池州府志

紀孟綱貴池人事親篤孝淡於榮利有司薦之朝以親老不應

江南通志

吳徹貴池歲貢事繼母盡孝兄弟五人友愛甚篤同邑諸生相
世仁以母老研究方書親調湯藥夜則焚香禱天及卒哀毀動

人

江南通志

沈唐恭石埭人事繼母至孝兄武恭以誣繫獄論死痛其無子
詣獄代繫以出其兄適大盜劫獄囚俱逸出唐恭獨畱郡守義
而釋之

江南通志

胡大武貴池人嘉靖中貢入太學聞母替馳歸朝夕不離母側

者八年母曰復明後爲永定知縣逾年不

解衣帶居喪三年未嘗見齒親柩在堂火災延及同妻陳氏撫

棺大哭忽反風滅火人咸異之

一統志 江南通志 池州府志

葉叢椿貴池人事祖母父母盡孝兄嫂早逝撫孤姪成立既娶

而歿復撫其孤嫠人皆賢之

江南通志

陳鎬青陽人性至孝三月間母患熱疾思冰不可得鎬夜半走

九華深谷中得之以進母遂痊後病作鎬嘗穢以驗瘧劇母歿

哀毀卒

國朝乾隆十三年

旌表建坊

池州府志

周聘青陽人父母歿終喪不離苫由析產讓肥取瘠欲耐父母

於先塋宗人難之聘以大事未襄六年不除莪經宗人感而許

重修安徽通志

卷三百四十一

人物志

孝友

七

池州府

之池州府志

袁德厚青陽人父卒庶母有身而改適及產得男抱歸撫之成

立以產授之歲祲出穀以賑池州府志

劉永祚青陽人父光復以挺擊事忤自繫獄徒跌入京擊登聞鼓願代父罪三疏不報痛哭而卒弟蔭祚復上疏請代閱五年

光復得釋池州府志

劉襄祚光復少子父歿年甫七齡號泣如成人事母孝母卒居

喪盡禮御賜忠孝友愛人家扁額以旌其門青陽縣志

廖廷皓貴池人一日方在田母爲虎尾急追力救得脫乃負而

歸以口吮母傷處吐出毒水數升數月母子創皆得愈江南通志

胡守庸石埭人兄遭誣遣戍守庸泣曰兄未有子因請代繫獄

未遣身亡事亦旋白池州府志

湯之京石埭人母歿甫八歲卽涕泣廬墓董其昌書孺慕二字

贈之天啟時父卒廬墓得旌甲申後棄家不知所終

池州府志

高子建德人年十三同父刈粟父爲虎所得卽奮前以粟盤抵

虎口虎垂頭去父得免

建德縣志

江鯤青陽人事孀母孝侍病衣不解帶居喪不御酒肉置義田

建家塾歲饑出穀以周鄰里

江南通志

吳文式青陽人父病嘗糞父卒哀毀嘉靖閒以賑荒授冠帶同

邑程俊孝事繼母友愛諸弟亦以捐穀賑饑授冠帶

青陽縣志

吳大樞青陽人父卒厝淺土久雨驟漲水衝父棺急奔護之握

棺上鐲不舍水大至隨棺漂十餘里至死鐲猶在手

一統志

陳天惺青陽人父患癰朝夕吮之父早春思蘇惺入山求之遇

虎不害母卒廬墓三年

國朝嘉慶十六年

旌表建坊

青陽縣志

柯延茹建德人事親孝兄薰致仕歸食必共席疾必侍藥時百

口同爨延茹總理家務內外無閒言

汪南通志

朱世甯貴池人左良玉兵屯池州世甯母殯於野棺被發出收

骨一慟而絕

池州府志

陳其英貴池人嘗割股療親疾左良玉兵在池其英與兄同出

賊劫其兄其英力禦之兄脫而其英死

池州府志

吳應彥貴池人母病割左股進病遂痊後父患危疾又割右股

以進病亦隨愈

江南通志池州府志

章一恆字希善貴池人少孤奉母孝謹萬厯閒族人誣其兄殺

人獄雖白仍擬遣戍一恆請代有司義而許之數歲遇赦還友

愛彌篤居里中力行善事鄰火延其居忽雷雨反風滅火人以爲孝友所感

一統志

方祥美貴池人性孝友母病虔禱於神得愈母愛弟喜就弟居祥美具膳輒負母來食食竟復負母返如是者十餘載後弟坐盜誣繫獄盡鬻己業雪之

一統志

卽思誠字孺若貴池人幼孤事母孝嘗割股療母疾母卒啜粥廬墓其地素多虎自廬墓後虎遂絕跡郡守顏敏欲舉思誠純孝以老疾辭

國朝雍正五年

旌表建坊

一統志

王用憲貴池諸生左兵掠境母年九十不及避用憲哭於其旁賊焚宅退人於灰燼中見用憲抱母面色如生

貴池縣志

桂伸石埭人年十三母卒廬墓三年後中崇禎癸酉解元同邑

桂一鵞父卒於官扶櫬歸里廬墓三年後中武舉

石埭縣志

甯應祖字子述青陽人天啟時舉人居母喪三年不飲酒不茹

葷弟早卒撫姪如子崇禎末土賊起相戒不入其家

池州府志

柯孟顯字惟達貴池人事母盡孝崇禎庚辰輸粟賑饑邑人德

之

江南通志

何一葵銅陵人與弟友愛終身不析爨有族人舉家疫死悉殯

歛之并撫其孤成立明末盜起過其里相戒勿犯

池州府志

丁宇洋銅陵人傭工以養母母病風輒背負之夏驅蟲冬溫席

積十餘年母歿亦以瘁卒

池州府志

方興元銅陵人天啟閒傭工養母母歿廬墓

國朝乾隆七年

蔡啟元銅陵人父可獻授休甯訓導未之官值左兵東下將殺

之啟元奔救願以身代賊並殺之

池州府志

童黯建德人孝事繼母母病籲天求代母目眊舐之復明及卒

不御酒肉三年

池州府志

江賦新建德人方九歲盜入其家炮烙其父以求賄賦祈號泣

以身蔽父賊怒殺之

池州府志

金學駕建德人年十五左兵至負母出避遇賊釋母走以身遮

道殺賊數人重傷而死同邑沈福壽左兵執其父號哭奔赴請

以身代賊遂殺之

池州府志

江桐建德人左兵陷城奉母出避遇賊連槊其母桐以身衛之

重傷不肯離賊義而并釋之

池州府志

何文升建德廩生左兵執其母挺身捍賊死同邑江芝封負母
遇賊以身衛母號泣賊義而舍之蘇欣向負母出避回視父已
爲盜得哀泣求代賊亦舍之弟早卒撫姪如子

池州府志

汪可植貴池人父喪號慟不食肉飲酒者三年明末左兵入境
母被執可植號泣請代賊感而釋之弟二人俱早卒卹兩嫠撫
五姪成立庶母生一子以產亡命其妻乳之長而分產維均

池州府志

府志

吳世採青陽人明季流寇焚掠世採從鋒刃煙燄中負父出同
邑王廷謨左兵入境書田券予佃人令負父自負母以免至今

呼其田爲孝田

池州府志
青陽縣志

吳世華字釋明青陽人明末賊劫其鄉執其父大楷將刃之世
華號慟求代賊舍其父而繼世華使爲導度父行已遠乃罵曰

吾求免父耳豈懼一死而爲汝壽乎賊交砍而死一統志池州府志

按殉節錄有池州吳穉明殉難於山西見山西通志此言賊

劫其鄉疑本兩人故兩存之

岳承文銅陵人明末隨父避難遇寇請死而生其父賊并殺之

池州人物志 銅陵縣志 新增

國朝施家聖貴池人生數月而父歿比長力田養母日偕其妻禮

斗以祈母壽母年百有四歲卒家聖亦年踰七十猶哀毀盡禮

廬墓三年池州府志

陳萬昇貴池人與弟嘉蔭從弟萬鵬同就外傳康熙己酉盜掠

近村二弟被執萬昇請代弟死盜并殺之一統志

陳光正石埭人少孤事母甚謹母卒耐父墓卽廬墓側有醴泉

湧石之異又建德吳來芳事母極孝及卒廬墓江南通志

黃德斌銅陵人十歲時親病卽籲天求代既長破產以雪兄誣
贍親族助婚葬嘗拾遺金二百兩守而還之子淮雍正丙午解

元

池州府志

丁晫銅陵人父歿甫三歲母患痰疾晝夜不離火延寢室救母
不得出遂偕死雍正十一年

旌表建坊

池州府志

朱應舉貴池人七歲喪母繼母虐之應舉不言父歿析產推腴
於繼母所出弟弟鬻之爲贖而復與之道拾遺金候其人還之
乾隆二年

旌表建坊

池州府志

曹甸貴池人親亡廬墓

貴池縣志

陳虞竹貴池人親歿同弟虞梅廬墓雪夜有雙鹿同臥處麾之

不去弟梓柏爲盜掠往寨泣告願代其死盜并釋之嘗貿易於

毫毫餓傾囊賑之

池州府志

李啟思貴池人父母繼歿廬墓泣血蛇虎絕迹墓旁產芝乾隆七年

旌表建坊

池州府志

黃正都貴池人母病替舐之復明及卒廬墓三年同邑吳錦諸生馮聖澤皆以親喪廬墓聞

貴池縣志

吳日光青陽人性孝友樂施予鄉里欽之平居設立規條訓誡族人一方化之皆以馴謹聞

江南通志

陳良台青陽人年十二父懋詣被寇執號泣請代得釋居室災奮入烈焰中負母出焦爛數月始瘳康熙戊子饑鬻產易穀以賑乾隆四十一年

旌表祀鄉賢

池州府志

謝應重青陽人母歿廬墓每日必侍父寢而後就廬父歿廬墓日夜號痛不輟同邑汪應仁鄭鳴福程世普曹之斗徐欽王拱皆以廬墓三年聞

青陽縣志

章乾張世繼皆青陽人父母繼歿廬墓六年

青陽縣志

曹之鼎青陽人六歲喪父十三喪母廬墓時雪盈數尺惟其廬無雪土人名其地曰孝感壠

青陽縣志

謝仁壽青陽人父卒於官扶輿歸廬墓終喪又嘗拾遺金三百

兩訪其人還之同邑何應進父卒廬墓後銓經歷以母老不起

及母卒廬墓終喪

青陽縣志

孫榮光青陽人孝友多義行五世同爨

青陽縣志

劉吉初青陽人父母歿皆廬墓三年同邑張駒龍何敦潤阮大

仁何敬愷何產劉文燄吳維藩袁鳳仁王之珩曹德優劉志成
皆以親喪廬墓間

青陽縣志

沈自昂石埭人父老病風侍養晝夜無閒奉三孀嫂教五孤姪

內外無閒言有以飢鬻子者自昂爲贖之凡三

池州府志

王廷賓貴池庠生七歲喪父哀如成人既長姻家強爲贅壻固
辭曰母老無依若然不如不娶耳又有以厚脯延之者則曰吾
畱村塾以朝夕奉母也後母歿鄰人失火延其家廷賓舁棺不
及伏棺上死乾隆八年

旌表建坊

池州府志

吳孟堅字子班應箕子也應箕殉節孟堅甫十齡既長痛父亡
長號泣血作大哭賦小哭賦大呼九章以自傷徒步入京上書
史館請爲父立傳歸著讀史漫筆始關龍逢終文天祥覽者可

以悲其志矣

貴池縣志

蘇禱石埭人父瓊明季殉節瀘州禧徒既奔蜀收骸骨懸當事題請贈卹得允例當得蔭不受

貴池府志

葉陰貴池人幼失怙母病思醴泉哭禱於田泉湧出母飲而愈人名爲孝子井弟節享亦有至性母病嘗舁冬月得鮮桃以愈母疾人以爲孝感

貴池府志

章宏閬貴池人幼時親疾禱神求代年十八祖母歿隨父苦塊中以毀卒乾隆九年

旌表建坊

貴池府志

章乘雲貴池諸生幼孤與兄友愛無閒析產推肥取瘠居平任卹鄰里善醫施藥遠近皆蒙其利乾隆十年

旌表建坊

貴池府志

唐文璧貴池人事親孝兄弟六人相處無閒弟婦早寡善成其

志子孫守其家法五世同居

池州府志

韓良賡貴池人父病風負以出入寢食不離年二十四妻亡不再娶乾隆七年

旌表建坊

池州府志

陳一寵貴池人父以庶人在官歸必候於道父疾不食亦不食及卒廬墓三年乾隆四年

旌表建坊

池州府志

何允謙青陽增生事親能先意承志知母愛少弟卽以己所析腴產益之後庶母生弟父已無田復析已產均之人咸欽其孝

友

池州府志

施錫鍾青陽人父卒於官時僅十歲扶柩歸江中遇風人盡登

岸鎬鍾抱棺呼天風漸息青陽縣志

孫定青陽人親病衣不解帶者數月父卒廬墓三年乾隆四年

旌表建坊青陽縣志

孫兆盤青陽人四世同居族有鬻妻償逋者為代還以全之青陽縣志

縣志

陳仲遠青陽人事繼母孝母病癰吮之得愈同邑何功謙父患肺痿吮其穢穢盡而瘳又曹步彤母患漏疽彤以口吮膿血而

愈青陽縣志

許國聘青陽貢生母病篤同弟大仁割股以進得愈兄病奉侍夜不解帶母卒廬墓終喪同邑庠生何光謙幼從父廬祖墓三年友愛兄弟無間青陽縣志

袁紹霖青陽歲貢母歿廬墓三年事孀嫂撫孤姪歲歉出粟賑

濟同邑增生徐效勛年七十猶日侍母側母卒廬墓終喪又孫

祖柯夢焯鮑士倬皆以親歿廬墓聞

青陽縣志

徐守仁青陽人幼孤母卒廬墓五年嘉慶二十年

旌表建坊

青陽縣志

周有德銅陵人母遘奇疾僵臥狼藉有德口吸手捧尸蟲糞穢不避四年而後瘳

池州府志

余心曠銅陵人父患淋疾醫治不效乃以口吮之淤盡而溲溺復利同邑庠生何學芬母患瘋疾目盲飲食親奉中衣溺器親

滌凡二十五年

池州府志

汪惟箴銅陵庠生幼嗣伯後產萬金篋以爲難得者兄弟易致者田地仍均分之而獨奉祀

銅陵縣志

趙天柱銅陵人以雞頭爲業母寡而老所得必爲肉糜進母病

氣日夜背負周行室中十餘年

池州府志

楊國僑石埭人與同邑桂輪徐廷珪皆以親歿廬墓聞

池州府志

桂元璣石埭人母歿廬墓三載獸踣其側樵者見之始知爲虎

而元璣不之覺也同族桂寬賣薪養母母卒廬墓三年又桂馨父疾割股療之及卒廬墓三年又畢星虞母卒廬墓三年芝生

墓前

石埭縣志

沈德芳石埭人七歲喪母祖母育之祖母疾割股以進得愈嘗

拾遺金俟其人還之

池州府志

沈自寅石埭人母病醫皆束手潛出自刎於文昌祠眾奔視之

得七字於神前曰男願以身代母死

池州府志

蘇信英石埭人父賈山東復贅于姓生子病故信英聞訃卽往迎櫬與庶母及弟歸廬墓三年孝事二母友于其弟人皆敬之

世贈
府志

方成石埭人嫡母焦氏爲父所逐成朝夕泣諫迎還乾隆四年

旌表建坊

池州府志

陳夢送石埭人以孝聞乾隆九年

旌表建坊

池州府志

張有晉石埭貢生妻亡不娶設榻母側者三十年母年百歲卒

有晉年已七十居喪不懈兩弟同居不忍析同邑吳應華事母

孝弟產罄復析己產與之

池州府志

沈明服石埭人幼喪父繼母虐之逐於外以服賈得裕繼母所

生弟盡蕩其業明服分金與之勸之改行母乃感悔

池州府志

蘇元士石埭人六歲喪父刻木以拜哀慕如成人母病思梨冬

夜覓得於深谷中人謂孝感

池州府志

陳景芳石埭人事繼母孝輸資修學員阜造橋義舉甚眾乾隆

二十一年

旌表建坊

池州府志

黃致全建德人事節母徐盡孝母病篤嘗糞淒然曰吾有死耳及母卒自沈於水邑人哀之

池州府志

王象稼建德人母過橋山水暴漲溺於水稼奔赴救之亦死及

得屍兩手堅抱其母

池州府志

計宗慧建德人母卒廬墓三年析產取瘠讓腴其兄家落復分已產與之同邑王宗萼葉之廉吳廷魯陳國皆以親死廬墓聞

池州府志
建德縣志

鄭漢文建德庠生父母歿各廬墓三年與弟大防大器畫遺像

事之如生同爨八十餘口無閒言

池州府志
建德縣志

王之義建德人母歿廬墓三年刻像事之

池州府志

夏文燦東流人家貧父歿質身以斂朝傭而夜廬墓母卒亦廬

墓三年同邑祝宗旺採樵供母母歿亦質身為僕備棺營葬又

吳景龍張明啟及增生唐咸皆以親歿廬墓聞

東流縣志

曹文岸貴池人客京師親喪奔回廬墓七年同邑舉人杜允中

父母卒已廬墓三年族人強之歸仍練冠三年

貴池縣志

唐永賢貴池諸生母病風扶掖經年衣不解帶母卒廬墓與兄

同居六十年兄患癰禱神求代得瘳同邑王用珂父卒廬墓虎

至不驚

貴池縣志

杜其潛貴池增生母得奇疾醫不能知其潛嘗糞以辨之知可

活割股以進得痊同邑楊紹府亦割股愈母母卒廬墓三年又

潘榮充父病割股及歿廬墓五年母卒亦如之

貴池縣志

曹思豐貴池人母疾篤禱神求代夜夢神許之母愈而思豐卒

貴池

府志

柯國才貴池人童時兩次割股愈祖父及母疾後母又病篤禱

神求代母愈而國才竟卒

貴池縣志

王之綱貴池人父病割股以進及卒懸像於室朝夕哭食粥三年同邑胡肯構家貧乞食祖父及母病兩次割股杜尙醞杜尙址皆母病兩次割股杜芳裕祖父及父母病三次割股杜養棟庠生母病與弟宗勉俱割股杜先仕父病割股後先仕病子六泉亦割股許萬善祖疾割股杜先聲祖母疾割股彭宗耀章矜京呂杰士皆兄病割股又有王顯貴王三日梅美泰孫宏欽胡起芝方永兆彭宗政吳來璣張雁峯鄭時春呂翹雲杜先庸杜尙賓杜先銑姜邦建姜聯貴姜大烈汪星辰胡鍾張應全義傳

德包達關皆以親病割股聞

貴池縣志

林大造青陽人母病割股進藥得痊後事繼母亦孝謹同邑曹

正貴張廷獻柯景雲施大德皆以親病割股聞大德撫弟友愛

周邱鄉里

青陽縣志

施步月青陽人傭工養母得甘旨瓜果必以奉母母疾割股和

肉以進得痊

青陽縣志

黃應杭青陽人母病二十餘年每劇輒嘗穢割股以進進必少

瘡如是者三及卒哀痛不離棺墓同邑沈肇周徐步漢林文宦

錢若進王之義王識江宗榮施有依甯三仁皆以親病割股聞

池州府志

郜一文銅陵人母病偕弟一武籲天割股以進得愈其季弟一

冰亦先後割左右股療父疾後數年姪之合亦割股以療母疾

池州府志
銅陵縣志

吳應文銅陵人家貧母病篤割股以進得痊後應文病子遐女

桂妹爭割股進亦痊同邑徐承美徐天祿丁尙賢丁孔信鍾仕

科庠生奈京儻皆以割股救親聞

池州府志
銅陵縣志

潘國連銅陵漁者父病躬侍湯藥割股以進及卒喪葬如禮

池州府志

陳大恆石埭人母病割股以進得痊同邑李郁汪文憲汪允昌

陳瀚陳寵錫陳啟茂皆以割股療親聞

池州府志
石埭縣志

程芳堂建德人母疾割股禱天求代及卒廬墓三年同邑徐履

泰陳應泰童尙長倪應坤徐述廉劉希傑黃仲敏倪欽諤張敦

厚陳士彬鄭韶舞王景偉王倬皆以割股療親聞

池州府志

徐源齡建德人出嗣伯父伯父病割股進得愈同邑鄭世輝父

病割股母病亦如之皆得愈又姚一禮周燦劉時桂程紹遠劉

幾第周懋中皆以割股療親聞

池州府志
建德縣志

吳繼華東流人母病默禱於神刲股以進尋愈同邑劉映星龐

綸洎張青錢張士鴻皆以割股療親聞又徐應德兩次割股以

療親疾

池州府志

章廷撥東流人父病禱神刲股以進得愈同邑庠生高容張青

選章變奇皆以割股療親聞

東流縣志

傅規東流人母朱氏嘗割股以療姑疾至是朱病規與弟鶴各

割股以進竟不痊而卒規痛母嘔血死鶴絕粒死人皆哀之

東流縣志

縣志

王錦多貴池人母病求醫得草藥一莖嘗而後進病果愈父病

年餘刻不離寢禱神請代父愈而錦多病語其子以善事祖父

母而卒

貴池縣志

方之鏞貴池人繼母疾親滌溺穢同族方天章庶出也爲嫡母

吮膿以療鼻患

貴池縣志

徐大球貴池人母病風服勞供養十九年如一日同族徐芝瑞

母性嚴旣長猶跪而受杖起敬起孝顏色如平時

貴池縣志

王德福貴池人八歲失怙事孀母孝未幾母卒寢苫三載營葬

如禮蓋出於天性也

貴池縣志

程文炳貴池人親病奉侍不解帶者年餘及卒柩停於堂遇災

不及遷伏棺痛哭而火忽滅

貴池縣志

陳洪勳青陽諸生母目失明朝夕舐之而愈一日鄰災火及其

室冒火負母出眉髮盡焦母歿廬墓終喪又好施予捐穀助賑

焚券數百金同邑江吉先叔母臥病火延其居吉先從烈燄中

突人負出衣髮俱焚

青陽縣志

曹柳青陽庠生母病風多方調護撫育諸弟友愛備至母卒柩

尚在堂鄰火延燒抱棺痛哭反風息火人稱孝感

青陽縣志

何溥謙字同人青陽人乾隆庚午舉人母病篤刺血哀禱病遂

起親喪盡禮致哀事兩兄友恭無間

青陽縣志

何敬學青陽庠生繼母患背疽親為吮毒遵父遺命以金五百

倡建宗祠

青陽縣志

徐名植字天健青陽人工詩古文詞父早歿事母孝母患痿痺

持護十有四年不少懈及歿哀毀骨立廬墓三年後以庠貢授

靖江縣丞調元和縣丞治河賑饑皆有政聲

青陽縣志

何敬曾字省吾青陽人乾隆辛酉舉人壬戌明通例選教職恐

疏問視不就赴吉州父任奉侍父卒哀毀骨立扶榧歸蔬食三

年孝養繼母友愛兄弟族黨稱之

青陽縣志

王正祥青陽諸生性孝友與兄正亮同居不析箸周貧乏助婚葬以孫懿修貴

馳贈奉政大夫

青陽縣志

俞煥章青陽庠生性孝友母以弟病憂泣失明煥章勤求醫治弟愈而母目亦漸復三世同居無閒言歲饑變產助賑同邑徐友聞事父母孝兄弟不析居嘗獨修儒學櫛星諸門尤好施濟

青陽縣志

縣志

柯時舉青陽庠生性孝義遺產悉投諸弟母歿哀毀廬墓一日驟雨山水大漲抱棺呼號有蛟蜿蜒其側水退而坐不毀同邑貢生陳啟建母病嘗藥禱神及卒致哀盡禮營葬之日有白鶴

繞其廬

池州府志
青陽縣志

柯夢蟠青陽人幼孤事母孝母歿廬墓嘗拾遺金守而還其人

青陽縣志

鮑溥青陽人家極貧父嘗以誣坐戍溥請身代子隆壽爭往上

官允其請踰年赦還

青陽縣志

施元福青陽人少失怙事母孝叔以命案被誣繫獄子幼元福時年十七奔訴臬司臬司詢之曰爾幼弱書生欲反此獄恐不易元福曰雖死勿悔臬司憫其年少知大義復鞠冤果雪眾義之

青陽縣志

施聲遠青陽諸生父病不愈禱神請代年二十五妻亡不娶歲饑助賑卒年八十九同邑鮑又美事母孝敬嫂撫姪及其孫如己出年二十六妻亡不娶置祀田施藥餌建橋梁義舉不可勝紀又諸生劉掄元父瞽孝養四十年不離膝下至修橋路濟貧

乏助喪葬焚貸券尤多義舉

青陽縣志

謝瑞青陽庠生性孝友父歿廬墓三年同邑庠生章大俊母病

刲股得愈猶奉養三十餘年

青陽縣志

劉珩青陽廩生父病侍奉湯藥衣不解帶者九月虔心默禱請

以身代越三日父病頓愈珩成疾卒

青陽縣志

徐烈光青陽歲貢父病衣不解帶者數月及卒哀毀忌日奠墓

號泣終身不改同邑貢生袁璋母病草檄神求代兄弟亦友愛

以孫楷

地封文林郎

青陽縣志

鮑天順天柱青陽人兄弟皆諸生幼失怙事母孝不豐於財而

多義舉伯父官海甯知州被誣逮問天柱毅然請以身代大吏

憐之爲白其誣

青陽縣志

王伏兩青陽人家貧傭工以養母病風朝夕扶持服勞備至數

十載如一日及卒居喪以禮人皆敬之

青陽縣志

陳人傑石埭人五世同居尤多義舉

石埭縣志

汪遂成石埭人兄歿姪幼撫之成立終身不析爨遺命子孫同

居同邑舒泰貢生與其弟潤極友愛各戒其子孫毋析居今同

居四世矣

石埭縣志

陳汝器貴池人幼失怙事母至孝母歿五日不食嘔血數升族

建宗祠力薄而止獨捐數百金成其事子文烈諸生侍祖母病

十年不解衣帶道光三年水災竭力捐賑族里無饑殍

貴池縣志

曹旺周貴池人家貧負薪養母母得廢疾抱持周至及卒哀毀

日奠於墓終身不娶而為弟娶婦撫弟子如已出

貴池縣志

陳在龍貴池人為傭工母患風負以出入傭所得食減以遺

母有肉糜則盡遺之歷十餘年不少懈母卒在龍亦以毀卒人

皆哀之

貴池縣志

沈璜石埭人乾隆戊申舉人孝事父母一飯必躬親父喪哀毀及母卒號慟五十七日而歿

石埭縣志

蘇翰成石埭人父發祖哭母喪明翰成日以舌舐得復母病嘗

穢衣不解帶者經年及卒哀毀畢立終身不苟酒肉

石埭縣志

蘇富祖石埭人家貧力田養親公病焚香告天願以身代得瘳

復侍養數十載老而不衰

石埭縣志

王明建德人幼喪母哀毀不欲生事繼母如母父病瞽使明督

家政葬高曾以下十五喪撫諸公弟成立歲饑出粟以賑焚券

不責償

池州府志

姚紹對建德庠生母病疽朝夕吟之不藥而愈同邑蘇良悅母

病風親嘗湯藥禱神求代及卒事之如生兄嫂早喪遺孤二齡

撫之成立教養周至

建德縣志

倪應瑞建德人友愛諸弟析產推腴取瘠弟有蕩其業者瑞爲

贖取仍以歸之姪七人視猶己子教讀婚配無不完備

池州府志

曹守美貴池人親歿廬墓三年歲歉捐穀助賑獨建蔭水橋以

便行旅同邑王佐親歿廬墓三年又陳之魁親歿廬墓弟卒撫

姪成立

貴池縣志

孫述堯貴池人出繼於叔母病削股以進後本生父母病又割

股二次救之同邑杜過割股以療母疾已柝居弟卒婦寡子幼

乃復合爨撫姪成立

貴池縣志

曹如壤青陽諸生父歿廬墓三年嘗獨建中堰河橋臨終焚負

券

青陽縣志

鄭思孟建德人親歿廬墓三年友愛兄弟教育子姪又好善樂

施修造橋路饑賑米疫施藥助婚娶喪葬不遺餘力

建德縣志

汪道謨貴池人母疾割股以進得痊嘗拾遺金還其人

貴池縣志

曹在天貴池人從兄病篤泣語之曰母老子幼非弟孰全在天

許諾事伯母如親母撫姪如子又嘗買一婢哭甚哀問之曰我

來老母無養弟弱無哺恐不保耳在天惻然贈而遣之

貴池縣志

汪坐石埭庠生幼失怙事母三十年不離左右母年八十夫婦

扶持不解帶者三載三兄早歿撫姪成立買婢知其良家即如

女嫁之

石埭縣志

王景述建德人事親孝兄弟五人同居四世同邑吳廷高有弟

三人撫之成立同居六十餘載內外無閒言又庠生洪國賞同

弟國培極友愛國賞授徒國培服賈所得不自私同居四世不

忍析箸待寡嫂若慈母視從弟如同懷人皆敬之

建德縣志

李船壽青陽人嘉慶十六年以孝行

旌表建坊司

洪圖曉建德諸生性孝友父病謂曉曰篋有存金爲爾捐職圖

曉受而不啟時異母弟圖景甫晬撫育成立及析箸始出篋同

弟啟而均之

池州府志

汪庶銅陵人偶他出火延其室母病臥庶奮身入烈燄中不能

出火熄猶見母手拊其背云同邑周光祖撲火救祖抱出被重

傷祖孫俱死

銅陵縣志

崔纘緒銅陵庠生親歿廬墓三年眾欲以孝行舉固辭兄染疫

晝夜奉侍竟以瘁卒同邑徐必彭陳克舜繆朝何繼知皆以親

歿廬墓聞

銅陵縣志

畢鋒銅陵庠生父患癰以舌舐之得愈鄰火延宅冒煙負母而

出同邑奈心恕亦以口舐母癰得愈銅陵縣志

何應春銅陵人三歲失怙事母盡孝母卒廬墓三年道光四年

旌表建坊銅陵縣志

崔之鐸銅陵人父患惡瘡醫不能治含藥吸之得愈及卒哀毀

不如單酒銅陵縣志

柏梅桂青陽人道光五年以孝行

旌表司冊以舊志

姚文濤貴池監生道光年以孝子

旌表科鈔以新修

姜有典貴池文生性孝友刲股療母病又彭魯賢母病刲股和

藥以療同邑張國藩洪剛仁并刲股療父貴池縣志

倪聲送羅懋欄李茂祿李茂扞庠生徐茂旂監生徐觀源俱青

陽人均割股救親

青陽縣志

桂連穎字文彥貴池人家貧訓蒙養母母病醫藥罔效割股以

進疾得愈嘗館某家有孀婦來奔拒之明日遂解館去堂弟連

瑗歿於樂城走數千里代負輓歸

貴池縣志

陳紹聞青陽庠生父病篤割股得愈又庠生汪承紳理問曹太

勳民人甯三謨甯正體錢金祥錢正黨錢興濤錢開楠錢恭流

錢恭義羅亨聽甘有用李國治孫家佳甘有修俱割股療父疾

得痊

青陽縣志

章獬青陽人年十二割股和藥愈母病及長焚借券四百餘金

歲歉鬻產濟貧又廩生汪泉民人陳鑑張誠然錢蒼祥錢正誘

李殿墀李鳳鳴甯福星甯文罩鮑洪高甯三才陳天助施四一

施芳祚甘大光沈肇昂李維臺羅明琥徐產銘甘有麟徐作猷

吳德魁袁文平陳輔俱封股愈母又章復初阮起蛟阮文岸皆

封股愈繼母疾章復初又有冒火出母棺事

青陽縣志

奈騰雲字翔九銅陵人母病封股三次和藥旋愈又監生周璜

亦母病封股

銅陵縣志

姚士秦石埭人年十四母病封股和米汁飲之尋愈又監生章

士震封股療母沈秦凱封股療父俱瘳

石埭縣志

葉之廉建德人封股療母病并廬父墓三年又樵者王景偉同

弟景倬封股療母黃德耀劉大瓚王長順劉德智汪維棟徐祖

望胡自楷府經歷張格蕭縣訓導黃之鎰從九張文錦監生黃

長興朱貴齡童生陳士彬姚書芬文生胡一舉副貢鄭樞燦庠

生王應兆王謨及王茂華王美意陶景洲金戴陞劉錦俱母病

割股以療

建德縣志

朱銓建德人父病割股爲糜以進獲愈又陸爾煌黃萃璽王忠

文生王道平監生方觀光胡一鴻並割股療父病

建德縣志

王特蔭建德人祖病醫藥罔效割股以進死而復甦又劉向明

兩次割股和藥愈父母疾

建德縣志

汪榮至東流文生母病足久不愈榮至割股啗之父病亦然又

張華賜童時割股療父

東流縣志

朱觀光建德增生母病割股爲糜以進并嘗糞求醫母病獲瘳

舌耕所獲盡營諸伯叔葬地二十餘畝又監生金作銳父病兩

次割股黃文誦割股療母母歿廬墓三年

建德縣志

管天郊字紹姬貴池庠生舉優行例得知縣以母老不仕母歿

廬墓三年性又好義春鍛農器冬製絮衣以資貧者糴穀嘗減

其直之二三

池州府志
貴池縣志

葉宜祝貴池人母歿廬墓泣血三年以毀卒又方時吉父歿夜

宿墓傍日歸事母母歿復居山三年又方增益邱又生楊忠信

皆親歿廬墓

貴池縣志

吳維垣青陽庠生母卒廬墓三年咸豐初倡團拒賊死同縣錢

國立陳鵬獲均母卒守墓曹正樞楊遊龍王伏雨袁懷兩俱廬

母墓三年曹世倬廬父墓三年

青陽縣志
伏雨疑卽王伏雨

按王

方國輔銅陵監生母歿廬墓三年又監生吳誠感廬父墓徐元

賞廬繼母墓俱各三年

銅陵縣志

何長春銅陵人廬墓三年楓開紅花

桂超禹浩
然齋詩集

蘇宦榮石埭人生四年而孤母憐之飴以美食輒讓母而自取

惡者易之遂啼長服質懼曠定省棄賈訓蒙於家母年百有二

歲卒廬墓三年

石埭縣志

王宗萼葉顯忠俱建德人廬母墓三年胡應遼廬父墓三年

建德縣志

縣志

陳體鑾東流農人竭力養親父母相繼歿廬墓三年

東流縣志

唐樹蘆貴池人祖母病癰瘕日夜服事歷七年不衰後侍父疾

二年亦如之又有陳光國者母得痼疾累年侍湯藥不懈

貴池縣志

姜兆蘭青陽歲貢母病癰瘕奉湯藥十餘年不懈著有春庭詩

青陽縣志

卓同縣阮日可楊志樸均侍母疾三年志樸又吮父疽又甯朴

曹岱宗并吮母癰

青陽縣志

周永洋銅陵人侍父母病嘗湯藥滌溺器三年不懈

銅陵縣志

張麗生東流人母患骸疽口吮之

東流縣志

王雲彩建德人母病嘗糞以卜生死及歿哀毀三年不飲酒食

肉

建德縣志

何文蔚青陽庠生家貧喪妻親操井臼事父母二十餘年親疾

嘗移又庠生吳元勳陳卓民人袁文海俱母病嘗糞

青陽縣志

曹曰敬貴池人母疾需鹿血曰敬百計求之忽鹿自至啗血遂

愈

貴池縣志

曹蓮青貴池庠生少孤賊入村母赴水殉難奔救不及亦水死

貴池縣志

陳試青陽人事母孝每聞警必負母逃後舟覆溺死見夢於母

言有兒衛母賊來無恐母果無恙

青陽縣志

檀邦埰建德人母目瞽禱泊三載復明又葉紹儼建德人母目

瞽時爲舐之遇賊被創負母不釋手賊感其孝指以匿處

建德縣志

盛文彬青陽人賊縛其弟亟請身代又將火其廬哭訴老母病

臥賊驚歎曰此孝友人也釋之而去

青陽縣志

朱實煦字貫一建德人父歿實煦事祖父母撫教兩弟屢值歲歉家落而孝養弗衰後遭亂實煦與母畱衛二老賊至問知不避之故相顧曰此孝子孫也不相害劫略而已別賊至竟遇害

建德縣志

盛金谿青陽人負母避難乞食供養母卒廬墓號哭久之自縊

青陽縣志

章祥直東流人負母避難遇賊欲執之直號泣不絕口賊釋之

去

東流縣志

江安仁青陽人父被賊執安仁求釋得免已投水死同縣柏錦琪求賊釋父不許怒擊之被害又張掌立因父被擄持刀連砍

數賊力竭被害

青陽縣志

曹福喜青陽人賊執其母使炊福喜竊負之逃被害又柏生貴

章大介陳南魁均以救護其母被害惟柏母得脫青陽縣志

王九銅陵人年十七奔救父難遇害銅陵縣志

凌求得石埭人賊掠其母求得持械追擊而死母得脫石埭縣志

張觀勳建德文生奉母避亂遇賊以刃加腹不避賊奇之舍其

母子而去建德縣志

張謙德東流人勸母被害奮身擊賊死之東流縣志

朱鍾建德拔貢孝廉方正母病十餘年百方調護及卒齎粥枕

出守柩三年於父所營休甯祖籍祠墓閒歲必往展謁雖屬疏

塋必修治族貧乏者月給錢米喪祭婚嫁有加焉建德縣志

葉永嶠東流人有弟三人爲父母所愛永嶠盡將資產與諸弟

僅受瘠田二畝與妻躬耕焉東流縣志

金孝定銅陵人咸豐元年同兄被擄孝定給賊釋兄去遂赴水

死銅陵縣志

張文波青陽人賊劫弟去邀室弟往救之均被畱因許贖金願

以身質兩弟得脫乃自縊青陽縣志

葉崇香貴池人兄罹大辟崇香引罪代之死貴池縣志

紀永仕紀永桂貴池人俱以救兄永恩溺水死貴池縣志

重修安徽通志卷二百四十二

人物志

孝友九

太平府

漢方儲字聖公丹陽人除郎中丁母憂喪官歸負土成墳種松

千株鸞鳥棲其上白兔游其下

志

宋徐雄丹陽人位舉朝諱能清言為貴游所善事母孝謹母終

毀疥幾至自滅俄而兄亡扶杖臨喪撫膺慟遂以哀卒

南史張邵

傳

唐朱恂繁昌人割股愈親詔旌其門

唐書孝友傳敘

王丕繁昌人數世同居旌表闕闕賜粟州縣存問復賦稅

唐書

孝友傳敘

宋趙權當塗人母病篤權焚香禱曰母死權何以生取刃

刺脅取肝以進母漸瘳權亦遇良藥無患太守孫懋表其里曰

孝感坊

江蘇通志

張崇繁昌人登進士第官太常丞自祖瑁以來千口同居雍睦

無間嘉祐中楊傑過其家書義居二字遺之

一統志江南通志

聶雲蕪湖人割股愈父其後伯父病復割臂以進而愈咸淳十

年知州孟之縉獎其孝

江南通志

元芮世通蕪湖人十世同居詔旌表

元史本傳

夏餘達當塗人自宋慶厯中七世祖邦政以來合族同居至正

末旌表家有田一邱每歲麥皆兩歧李習汪澤民爲之傳

江南通志

胡光遠太平人母喪廬墓一夕夢母欲食魚晨起將求魚以祭

見生魚五尾列墓前鄰里驚異方其聚觀有獺出草中浮水去

知縣所獻事聞旌表

元史本傳

漆榮祖當塗人歷官織染局副使父歿負土成墳松柏皆手植
既析居而兄弟卒經紀其家如未異居者性好施賑粟施棺不
吝市田六十餘畝入青山保和菴以奉謝公之祀歲時祭埽父
墓置田爲經久計瑞蓮生其墓前

太平府志

邢國傑當塗人嘗以布衣條議時政執政爲改容謝至正中檄
授校官以親老固辭

江南通志

明盛敬字存禮當塗人建文庚辰進士授行人其冬兄溺於江
奔歸抵其所求尸得之奉嫂撫孤曲盡恩義後官監察御史巡

按山東有廉幹聲

太平府志

魏祥蕪湖人成化丁酉舉人以母老不忍離絕意公車母歿以

哀毀卒同邑張秀父歿哀毀骨立廬墓三年

江南通志太平府志

王儒字大任蕪湖人正德癸酉舉人父病顙天求代兄病療家人畏染多違避儒獨奉侍哺藥不懈春闈下第急於省親晝夜不息操舟者感之亦棄業歸養

太平府志

楊乙六太平人自乙六至貴二五世同居貴二之子旺七一支復四世同居食指千計條置家法鉅細有禮萬厯閒旌爲義門

明史孝義傳敘

江南通志

楊重儒字春埜當塗人嘉靖戊子舉人授確山令聞母病卽告歸猶及侍藥三日母卒廬墓於祖塋傍買地瘞同族之不能葬者捐資以助喪不能舉女不能嫁者莊居遇窖金掩而不發

太平府志

倪芥當塗人早失怙母疾割股以進獲瘥嘗拾遺金還其人後往鎮江遇風舟將覆忽聞空中語云舟有孝子遂俱得免

太平府志

丁大相當塗人母歿寢柩旁終喪不入私室父卒廬墓三載有

白燕來巢之異

江南通志
太平府志

卞仕朝當塗人父喪盡哀毀瘠念母苦節事之未嘗頃刻離母得廢疾朝夕扶抱不敢委之妻子後舉母節有欲上下其手者夜分忽以文移並上遂得旌表人謂孝感

太平府志

黃文星蕪湖庠生年十四母產將危割股以進遂甦族有誣其父者文星截髮鳴冤當道憐而直之鄰火偏廬風返而滅鄉人樹石曰孝子里

江南通志
太平府志

畢相蕪湖庠生孝事嫡母同於生母嫡母抱疾圩莊相不解衣者數月疾篤移入城路卒於舟祕不言至縣躬負還家舉哀正寢妻父趙璽令武城璽婦以二百金私予之相不受

江南舊志

王華繁昌人十三世同居

江南通志

李世良繁昌人生九日而孤事母至孝母病求藥丹陽晝夜冒

雪竟以寒喘終身母卒廬墓三年

太平府志

徐大賓繁昌庠生父母卒廬於墓側不避豺虎服闋歸屏妻獨

處甘藜藿者四十餘年又同邑周紹文亦以親歿廬墓聞

江南通志

太平府志

繁昌縣志

魏邦輔繁昌人其父曾以孝友著邦輔善承父志少游南雍授

光祿署丞師事耿定向講明義利之辨父病禱天得愈事庶母

如母諸父如父姪已析產而貧割己產與之邑之父子兄弟得

邦輔而完聚及罪待贖死待棺葬者以數百計

太平府志

後銑蕪湖庠生事繼母至孝祖父財產悉讓諸昆弟保孤踐託

焚券憫窮助婚完葬散儲周乏修橋砌路掩骼埋枯善事不可

勝紀

太平府志

葛師夔蕪湖人早失怙事母四十餘年孝養無閒母病篤禱神

剝股以進得愈後以明經歷仕有政聲蕪湖縣志

李潔蕪湖人父疾割股以進獲瘥及卒營葬宣城廬墓四載後

雖歸春秋伏臘哭奠墓側或彌月不歸若依依膝下者江南通志

志
平府

趙科當塗人繼母病篤割股療之母復病盲朝夕禱祝得一目

復明異母弟患疽自吮之弟初待兄甚薄至是乃大感悟太平府志

徐思明當塗人父母病前後割股以進母卒廬墓三年天啟閒

旌同邑魯國聘事孀母五十年依依孺慕母疾嘗藥洩矢皆自

滌割股以進得愈江南通志
太平府志

魯熹當塗人家貧備書以養父染痢熹寢食皆廢籲天請代割

股以進醫者曰疾轉則糞轉乃三次嘗糞以驗之同邑曾瀛割

股愈母疾又孫璠者年十五刲股以飼母得愈江南通志太平府志

楊逢時蕪湖人父病禱天願以身代刲股作羹以進病尋瘥同

邑陳景總角時卽知孝敬親疾割股以進尋愈江南通志太平府志

沈時萬蕪湖人事孀母孝母病篤時萬刲股食之得愈後病復

作又刲右股食之亦得愈太平府志

閔濟周繁昌人父病篤割股以進得愈同邑庠生魯煥嘗割股

療父母病復如之又吳謨徐沂李元相皆以割股救親聞江南通志

繁昌縣志

吳紀繁昌諸生嘗割股愈父疾母病亦如之同邑時辰母病刲

股以進及卒廬墓三年繁昌縣志

李仲名當塗諸生母卒停柩於堂事之如生及葬廬墓三年自

後遇烈風雷雨必省視墓側至老不衰天啟元年旌江南通志

趙應時蕪湖人祖父魁官江安丞父隨往卒於任應時年甫弱冠千里奔喪扶輓歸遇風舟覆抱輓流數十里獲免人稱孝感

江南通志

朱應蕪湖人嘗割股以愈母疾悉以己置田宅讓之少弟親喪哀毀成疾廬於墓側尋卒

太平府志

汪應冬繁昌人嘗鬻妻以養母母病剖股療之及卒廬墓哀毀而卒

繁昌縣志

汪琇繁昌人幼失怙奉母四十年不少離及卒廬墓茹素以終

江南舊通志

國朝楊璜字希周當塗人兵擾其鄉戀祖宗邱壟不忍去因匿妻妾與子於林中而身守墓兵將執之遂赴水死于甫十齡見父溺號哭亦投於水踰日父子兩尸攜手浮出見者嗟異

一統志補按

吳陳炎贖國難志上
此順治丙戌三月事

端茂杰當塗人父任宿州訓導歸卒適賊破和州烽火相望厝棺於家者多藁葬茂杰掘堂後地遷棺事定乃起葬如禮母病刺血上疏於神請身代病旋愈後以副榜中順天辛卯鄉試

太平府志

倪蕃允當塗人念伯仲違出不得侍母謝去諸生晨夕奉侍母病跪進湯藥疾革禱天求代母年九十卒未殯兵燹危急蕃允多方曲奉兵官殯葬成禮甫出郊而城中火起矣

太平府志

孫啟綸字君綬當塗人事母以純孝聞嘗負母避盜盜識之曰此孫孝子也遂解去

一統志

孫伯生當塗人亂兵掠博望負母逃兵將及避道旁窟穴中賊羣射之伯生以身蔽母與母俱斃鄉人出其屍背著矢如蝟

太平府志

府志

陳相儒當塗人父希蕃以事往揚州相儒與弟奉母避兵於鄉
兵譟希蕃適歸遇害相儒號咷奔赴營葬畢與弟訣曰弟善事
母吾從父地下矣遂躍入姑溪三日屍起猶持父所衣血衫不
放

太平府志

徐邱原名德化當塗人六歲失怙事母以孝聞母卒廬墓終身
不忍去遂更名邱

太平府志

張問明蕪湖人母病中裙廁踰親自洗滌兄卒撫姪如己子

太平府志

姜學詩蕪湖人母病勤奉湯藥夜不解衣剝肉作羹以進獲痊

太平府志

朱真儒蕪湖人少孤與弟繩武事母盡孝母歿兄弟廬墓哀號

不輟池蓮變白且有雙莖之異同居四世置田贍族康熙五十

三年

旌表建坊

一統志

陳三齊繁昌農家子年十二母死朝夕上食哭泣盡哀迨既葬

廬墓三年時稱孝童

一統志

龍雲澍字天士當塗人母疾割股以療得愈後領康熙丙午鄉

薦

太平府志

邢彰當塗人父偉以功貢從征無定在音間久絕彰弱冠決意
尋父與母泣別而行經歷險阻瀕死者數次病於舟中夢有蹶
之起者曰欲見父其川南滇北乎遂歷蜀入滇值信王出兵為
所獲泣道所以偉適在幕隨出認父子相抱泣居三月聞海賊
寇江南命之速歸抵家母子相見驚喜後再往偉任開化州卒

於官泣血扶柩旋里

太平府志

吳翼當塗庠生事親孝與弟斌友愛不析箸性尤好施善行甚多後以子騫官山東按察使

贈如其官

太平府志

楊詔瑞當塗人乙六裔孫也幼出繼事所繼母與生母並以孝稱族眾繁衍傾資建宗祠嘗拾遺金守而還之

太平府志

徐會昌當塗諸生父病不肯赴試強之往試畢歸已不及歟呼天一號嘔血數升幾死鄉有不令者株連戚里幽繫會城費數百金無出會昌爲獨償之眾得脫歸卒後盜入室見會昌柩在堂焚香跪拜歎息而去

太平府志

王仲芳當塗人母病晝夜祈禱一夕夢神語曰汝減祿母病愈矣乃矢願茹素母病果痊子大國事繼母亦以孝聞

太平府志

陶連當塗貢生祖正坤兄弟七人同居至連已三世一錢不私連事親孝母疾累年艱於起臥連日夜不離親潄廁煖康熙戊子遇水圩破出穀賑濟全活無算

太平府志

尹啟韜蕪湖人三歲而孤母曹守志啟韜年二十訓蒙以養母病衣不解帶嘗糞知不救籲天願代母歿廬墓哀號兩月遂卒

太平府志

鄧光遠字孔昭蕪湖人康熙丙子舉人事親孝母性嚴鄉舉後小不如意猶加楚撻光遠惟長跪引慝父應魁歿遺田四百畝知母愛二弟悉以讓之所著有補心集

太平府志

俞延瑾蕪湖人生四歲父卒哀毀不欲生時呼爲孝童事孀母甚謹生平建宗祠修學宮賑貧乏置渡船人皆義之

太平府志

張疇字八公蕪湖歲貢九歲失怙事母至孝居喪哀毀虔卜宅

兆並葬四代以下棺兄嫂先逝遺男女九人撫之成立爲畢婚

嫁恤疾周鄰至老不倦

太平府志

羅國相蕪湖人父宗親遭家難遺戍國相請代父不許乃匍匐投河工効力贖罪工成父釋歸踰年卒擗踊嘔血廬墓三年撫庶母弟成立乾隆二年

旌表建坊

太平府志

鮑一傑繁昌人九歲時母病革割股療之同邑徐國熹亦割股

療母疾

太平府志

徐之駒繁昌人父患癰瘋駒與妻余氏朝夕侍藥躬澣滌衣不解帶者八年弟駒早卒撫其孤成立與季弟駿友愛倍至鄰火偈宅駒仰天自檢風反火滅眾咸異之

太平府志

張銳玉原籍瀋陽父蘊教諭繁昌以擊賊全城擢汾陽令寇薄

汾陽蘊單騎出城而賊閒道入署兄璋遇害銳玉時僅八歲痛哭守兄屍賊憐而舍之翌日蘊率兵殲賊得銳玉於屍側救之乃甦後蘊解官仍來繁昌與嫡母相繼歿銳玉葬之於金陵奉生母居繁昌年方壯妻魏亡不再娶乾隆二年以孝義

旌

表建坊子長庠舉人父歿就銓得諸暨令有惠政民尸視之以孝友

世其家

太平府志

邢曰象繁昌農夫幼失恃事父孝父亡守墓有饋食者祭而後謝三年親族強迎之歸歲時必哀奠乾隆五年

旌

表建坊

太平府志

程振奇繁昌庠生父疾奉侍衣不解帶者十月與弟居祐相友爱居祐治家一切鉅細振奇不問而居祐一錢不私父歿兄弟喪葬如禮奉母益虔晨昏偕入怡怡定省牽衣索笑如孺子乾

隆五年並

旌表建坊

太平府志

曾文約繁昌人明季寇亂文約甫十齡隨父母避兵山險母病

渴煩文約下山汲水猝遇賊脅以刃泣以情白賊憐而釋之寇

退家業蕩然父以憂患卒文約上奉孀母俯育兩弟爲之婚娶

季弟先逝撫姪如子姪又卒撫姪孫至老不懈

太平府志

桂秋英繁昌庠生父病割股以進得愈同邑劉文點與弟文杰

皆以孝稱父病割股和藥進得愈後卒兄弟同廬墓三年

太平府志

盛可興繁昌人父早卒事母盡孝母卒廬墓三年

太平府志

魏嘉謨繁昌增生侍御壽期子也曾割股療祖母疾韓莢爲之

立傳

繁昌縣志

濮子咸蕪湖人事親孝下氣怡聲不敢毫髮違居喪哀毀享祭

於墓事之如生濮本坊市民家其盡禮有士大夫不能逮者乾

隆二年

旌表建坊 太平府志

李芄春蕪湖貢生親疾割股以進侍兄疾湯藥必躬親兄卒事

嫂撫孤敬慈交至 太平府志

陶宏道當塗庠生母病衣不解帶及卒既殯哀痛仆地棺忽自

開母容如生眾咸驚異父卒痛哭幾絕粒米不進者累日孝事

繼母與生母無異著有孝經啟蒙本義廣義三書 太平府志

倪鼎臣當塗庠生少失恃事繼母以孝聞嘗盡鬻己產數千金

代兄償逋無後言 太平府志

戴六吉當塗人母病焚香告天願以身代旋割股煎湯進之得

愈嘗見鬻妻者爲償其逋全之中年喪偶不再娶 太平府志

朱之耀當塗庠生性孝友五世同居生平見義必爲偶出卜地

遇鬻妻者相持哭不忍離爲傾囊助之得完

太平府志

徐胆繁昌人四世同居內外無閒言

繁昌縣志

何應鯤字羽滄當塗諸生昆弟五人皆早卒應鯤撫諸姪如己

子祖所遺產盡以分給後有貧乏者又分已產給之

太平府志

周有名當塗庠生母得癰疾與妻後氏扶持十六載母病篤後

氏割股療之及卒有名哀痛欲絕比葬每至墓所哭奠風雨不

避失足墮水死其妻聞之一慟而絕人皆傷之

太平府志

徐宗安蕪湖人父卒時方數歲盡哀如禮不食葷酒三年見者

異之稍長以薙頭爲業得值具酒肉奉母母疾偕妻孫衣不解

帶及卒一慟幾絕既葬日至墓所上食事之如生

太平府志

俞彝生蕪湖諸生母患癰疾服侍不懈適遇歲試方招覆忽心

勤曰必吾母疾發也急馳歸僅得與訣哀痛幾絕繼母疾不肯進藥孿生先嘗之母始進祖母芮年八十餘手足不仁躬負出入妻方氏乳之

太平府志

陶龍蕪湖庠生事親孝居喪哀毀母棺在堂驟遭回祿龍號泣抱母棺願以身殉火竟滅棺獲出鄉人異之

太平府志

潘懋遵蕪湖人幼失怙母疾革禱天求代不瘳割股療之病立起性好施予族有未室未字未葬者悉助舉其事又置祭田費數百金人皆義之

太平府志

戎良炳當塗庠生母病數載晨夕扶持不懈析居隨兄弟自擇中年目盲踰八載夢神人以水洗之遂復明人以爲孝友之報

太平府志

李元臣當塗人父病刲股療之友愛兩弟周給族鄰同邑居在

位年十八父病刲股救之得愈

太平府志

趙永瑛當塗人母卒廬墓三年同邑高宗儀母喪疏食三年不入寢室忌日哀泣終其身又劉可起侍祖母疾日夕不懈及卒廬墓三年

太平府志

葛天祐當塗庠生已聽兄析爨數年兄業廢母甚憂之乃復迎兄共爨以慰母心

太平府志

于科昌當塗庠生性至孝母疾侍牀褥者七載親滌廁牕及卒三年不離墓側

太平府志

夏瑞芳當塗人居父喪勺飲不進者五日母病水漲醫刺脅下瑞芳吮之毒水盡而母愈兄歿姪堅請析居不得已盡以田產付之囑善守而出營貿易以自資子名時亦以孝友稱瑞芳病危刲股以進得愈

太平府志

秦天爵當塗人母病危禱天求代忽夢神謂曰羚羊角投之可

愈如其言果痊父母卒廬墓三年

太平府志

沈文述當塗人年十二母病刲股救之得愈後又病復刲股愈

之

太平府志

趙怡當塗庠生六歲就傳讀朱注善事父母起問師曰事父母若何爲善師大奇之娶婦三日母病十旬不入私室叩神求代夜夢白衣人曰當卽痊尋愈年未三十卒臨終無他言但語其弟曰善事父母乾隆二年

旌表建坊

太平府志

朱士禔繁昌人乾隆二十九年以孝行

旌表建坊

繁昌縣志

胡嘉源當塗人少喪母繼母臥病十餘年與妻王氏奉侍無倦

母曰子孝易婦孝難汝善遇之母卒主亦哀毀卒嘉源遂不更

娶父病禮斗虔禱父尋愈

太平府志

朱兆安當塗人家貧傭工養母母歿結廬墓側晝傭夜宿夏蟲

冬雪三年如一日異徵甚多

太平府志

孫成雷繁昌諸生七世同居閭門百數十人藹然孝弟毫無閒

言

繁昌縣志

余元琮繁昌貢生童年刲股愈母疾同邑吳文煇父廷寵以父

卒病不能興文煇時年十三刲股以進得瘳又從士貞年十三

父癰廢諸醫莫效士貞刲股愈之又趙良珮年十四亦刲股以

愈父疾

太平府志

吳純美繁昌諸生其父愛杏手植數株父卒純美過樹下輒攀

條流涕嗚咽失聲有弟亡數載後乃以次子告先人墓立爲嗣

人訝其遲純美泣曰前未析箸今始無嫌耳

太平府志

周原慶繁昌增生與兄原廣弟原庶皆以孝友稱父卒同心事母廣庶常外出貿易原慶獨侍以勞成疾且病噎醫言虎肚可愈庶歸盛夏入山倩獵虎人捕之竟得虎以肚飼兄果愈慶庶先卒廣撫諸姪如所生一門孝弟爲難得云

太平府志

劉漢侯繁昌人與弟廷士腐豆爲業兄弟日一餐而奉母必具甘旨母偶患必長跪俟解後起破屋一閒母子同榻母又癱廢每出力作必畱一人侍母因是家益窮而事母益謹母歿漢侯以毀卒廷士偶與人語及母兄則涕泗交頤不自禁

太平府志

姚雲龍繁昌農夫父母卒廬墓三年

繁昌縣志

周世傑繁昌人幼失母事繼母孝及卒廬墓三年

繁昌縣志

汪蔚繁昌人室遭鄰火已負父出復突火入救母遂與母俱死

火既熄猶負母僵立如生

太平府志

蔡芳繁昌武舉父疽發於背醫謂剗其敗肉乃可治芳泣曰父痛若此安忍復膺此巨創耶乃跪吮其毒一晝夜毒盡而痊芳未幾卒人皆惜之

太平府志

吳秉默當塗人父患失血症秉默每侍湯藥竟夕不眠焚香禮斗祈以身代父遂愈嘗隨至繁昌舟行遇風父失足墮水秉默即躍入水抱父出俱免人謂孝感

太平府志

丁大儀當塗庠生父病割股愈之

當塗縣志

曹孝子蕪湖人失其名母病割股以進得愈孝子體孱竟以創痛而卒同邑方國紀父病禱天求代亦剗股以進得愈

蕪湖縣志

邱遵聖蕪湖人少失怙恃依祖以居祖病疽奉侍不解衣帶頻以口吮其毒祖卒號慟行立坐臥忽忽呼吾祖安在終其身如

一日乾隆四十八年

旌表建坊

蕪湖縣志

李兆衍字蕃蒨蕪湖人授職鹽大使九歲父病奉侍湯藥無惰容及卒不茹葷酒食粥三年後母歿合父營葬廬於墓側所著龍山草沈德潛序之謂其有聲有淚平居嗜學藏書乾隆癸巳詔求遺籍兆衍呈百餘種多錄入四庫目錄

蕪湖縣志

承一清蕪湖人母病痢穢溺必親拭之其妻請代一清泣曰我襁褓時母誰代之夜則焚香告天請長齋以祈母壽病果痊卽茹素不入私室及卒廬墓族人強之歸意忽忽若有所失未幾遂卒

蕪湖縣志

邢子魚蕪湖人父字耀亭以孝事祖母聞子魚至性過人父病隔日夜禱神願以身代見病亟不知所出潛爲文赴宗祠焚之

號痛委地竟不能起立而卒其父胸次忽如石下痼疾頓愈眾

咸驚異

蕪湖縣志

孫有聲當塗貢生早失怙事母極孝母疾嘗藥禱天求代及卒哀毀幾絕有白鳥翔庭之異性尤好義族鄰貧難婚嫁及鬻子女償逋者必多方爲之完聚

太平府志

童天御當塗人性孝友兄弟六人析居後貲不中人一弟家落託言服賈句天御貸二千金天御爲措置應之後年餘始知其購田爲衣食計也天御一笑置之不復問

當塗縣志

邢道光蕪湖人嘉慶十六年以順孫

旌表建坊

傳志

汪士英繁昌人割股以愈父疾同邑諸生強莘強應俞凌雲吳

敬恩吳灝陳修夫汪天求汪際鑑皆以割股救父聞

繁昌縣志

從士允繁昌人割股以療母疾同邑李正齡劉文彬皆以割股救母聞又郝士鑾年十三余觀光年十五劉宗向年十四皆割股救母又諸生盛定仁年十六割股救母劉培童年割股救親

繁昌

縣志

陳文泉繁昌增生割股救母其妻方氏亦割股救文泉疾同邑徐紹恂割股救祖母疾踰年又割股療祖強永錫三次割股愈母疾強聲遠魯其歲吳美齡皆兩次割股愈母疾又諸生劉祈胡清割股救母又徐一旭割二乳以愈母疾

繁昌縣志以上舊志

吳邦甯字康士當塗人孝父母友兄弟累世同居一鄉坊表

縣志

以

下新修

李殿鏞字宏聲當塗廩生父歿嘔血數升絕水漿七日而卒

當塗

縣志

詹家廣當塗人少孤樵薪養母母歿攜子廬於墓側

當塗縣志

彭國椿當塗人母歿父老孝養備至迨父歿合葬遂廬墓側

當塗縣志

縣志

謝正銀當塗人母歿父存不能廬墓立木主日夜奉事如生年

未三十先其父而卒

當塗縣志

唐庚字鎮西當塗監生年十三侍母病有孝童稱父病越數
十里乞醫藥晚歸墮溝中若有人掖之起者進藥父尋愈繼母
趙病衣不解帶趙卒哀慟盡禮有白鳥集靈之異學使白銘嘉
其行給詩協陔笥額有手輯孝行彙編忠孝論略光緒三年

旌表建坊

當塗縣志
科鈔

張杓字步樞當塗優貢事繼母暨寡嫂孝禮兼盡教育諸弟姪
成立官廣德訓導盡以俸金代償弟累不足復售產益之家譜

舊軼杓極力倡修未竟卒子紹彝庠生踵成其事

當塗縣志續編

王文炳字蔚卿當塗優貢教習知縣母患乳巖潰腐不可近文炳日夜左右侍奉口吮其毒刲股以療又虔求方藥三載獲愈

著有四書五經古音考說文微言

當塗縣志

唐金科字莘田當塗監生父允球有義行金科承父志行之益力父歿事母能體至隱水災後家計窘迫恆變質衣物以供甘旨母怡然不能知也弟金鑑附生亦以孝友稱

當塗縣志續編

朱汝桂字月坡當塗舉人少孤貧力學事母至孝嘗焚香籲天願減壽以益母迨母年九十餘桂亦六十轉徙異鄉負母徒行疲憊不稍息母歿以哀毀卒

當塗縣志

李干城字舜卿當塗舉人幼喪父母事嗣母金氏如所生金患泄瀉足痛干城研究方書侍奉左右達旦不眠者數旬後金歿

於荆溪痛哭嘔血扶柩遇賊備歷艱險始克歸葬

當塗縣志

夏格敦字復初當塗人母病乳癰割肱愈之

夏旻文集

強配昌繁昌人嘗刲股療母咸豐六年鬪賊而死

繁昌縣志

李恆發繁昌人道光中刲股療父咸豐初遇賊死難

繁昌縣志

趙楷昌當塗武生父被賊偏楷昌往救被縛投水死又楊有進

母被賊偏投水進從之死

當塗縣志

陳文英當塗廩生少孤事母至孝賊至侍母病不去賊憐之贈

以金米不受絕食死

當塗縣志

陳煥當塗附生負父逃難蘆洲遇賊父被害煥投水死

當塗縣志

韋道本當塗人父應方禦賊陣亡道本同弟道聘往救均遇害

又陶士侖同弟士全士合因父錡賢督團拒賊陣亡往救均死

之胡承讚同弟承詵承許因父克裕督團遇賊被害均不食而

死

當塗縣志

汪維新繁昌監生咸豐中與汪程凌均各負母避難遇賊被害

繁昌縣志

李雙保兒當塗人見父被賊害奪刀自刎

當塗縣志

洪以明繁昌人賊至護母均被害

繁昌縣志

侯繼健蕪湖人兄報元遇賊繼健求代被害報元得免

蕪湖縣志

高發榮繁昌人咸豐八年因救父兄殺數賊而死

繁昌縣志

重修安徽通志卷二百四十三

人物志

孝友十

廬州府

漢毛義字少節廬江人以孝行稱南陽張奉慕其名往候之府檄適至以義守安陽令義奉檄而入喜動顏色奉心賤之及義母卒去官後舉賢良公車徵不至奉歎曰賢者固不可測往日之喜迺爲親屈也章帝下詔褒美常以八月遣長吏問起居

後漢書傳敘

齊王虛之字文靜廬江人父母喪鹽醢不入口武帝永明中詔

榜門闕其三世

南史本傳

唐張進昭巢縣人母患狐刺墮左手死進昭截左腕廬於墓謂

旌其門閭賜束帛

唐書孝友傳敘

徐行周舒城人數世同居詔旌其門

唐書孝友傳敘

葛

舊作葛據唐書改

敬廬州人三世同居親喪廬墓刺血寫浮屠書斷

手二指輒復生州改所居曰成孝鄉廣孝聚大中時表其家

唐書

孝友傳

唐海巢縣人母喪廬墓躬耕以祀田中忽產嘉禾一本六穗刺

史裴靖作嘉禾表以聞

一統志

宋王光濟廬州人母喪刻像事之如生咸平二年詔旌之

宋史本傳

何宗壽梁縣人母病刲股以進得愈

江南通志

李吳貞合肥人九歲時母病刲股以進其兄曾貞年十六亦刲

股以進病得愈

江南通志廬州府志

方孝子無為人失其名母目雙盲每旦以舌舐之復明

江南通志

趙廣廬州人八世同居淳化二年賜詔旌表門閭

宋史許祚傳

余元琛舒城人母疾刲股進得愈同邑汪安淵母病刲股進得愈又有檀念二者母病鑿左脛骨寸餘取髓食母遂愈以上三人皆淳熙間詔付史館令有司依例優給碑刻尙存

江南通志廬州府志

元羊仁廬江人至元初烏珠兵南下仁家爲所掠父被殺母及兄弟皆散去仁年七歲賣爲汴人李子安奴力作二十餘年子安憐之縱爲良仁蹤跡得母於潁州蒙古軍塔海家兄於睢州蒙古軍岳納家弟於邯鄲連大家皆爲役尙無恙乃徧懇親故貸得鈔百錠歷詣諸家贖之更六年大小二十餘口復得完聚爲良鄉里美之大德十二年旌其家

元史本傳

季原禮無爲人親喪廬墓三年不食鹽醬孫立曾孫廷春居父

母喪並如之人謂一門純孝

一統志

明吳敬無爲人母疾割肝煎湯母愈而敬不傷事聞太祖官以

贊禮郎

一統志

向侃字希顏廬州人永樂甲午舉人宣德初判靜甯州未幾裁缺巡撫獨奏畱之擢御史出知澂江府侃天性孝友兄弟五人白首同居妻亡鰥居四十年

一統志

高興合肥人父歿廬墓三年服闋親鄰勸歸有白鵲數百大如鶴鶴隨後翔空而集於宅良久乃去同邑張俊母卒廬墓天順間同得旌

一統志

明史

孝義傳敘

江南通志

丁華一無爲人兄弟五人不忍析居相與誓天折梅五枝其接一本各識之祝曰如一枝枯卽某有異心後五枝俱秀實鄉里驚歎號五果丁氏

一統志

盛宗巢縣人髫齡中母被兵掠後聞人言在永平走數千里尋

之染疫歸復籲天而行果得重聚買車載歸母年九十六卒廬

墓三年

廬州府志

錢敏字志學舒城人永樂辛丑進士乞養還鄉母卒廬墓宣德

間旌

一統志 明史孝義傳敘

胡紀字大年舒城人永樂甲午舉人官吏部主事父母卒廬墓

同邑王紹字繼學由進士官御史母卒廬墓皆正統間旌

一統志

明史孝義傳敘

江南通志

張政廬江人父喪廬墓虎不爲害正統六年旌

一統志 明史孝義傳敘

江南通志

宋驥舒城人官修武令解組歸凡事必稟母命及卒廬墓三年

廬州府志

陳暹舒城人早喪父母疾籲天求代及卒未葬火延房屋暹伏

棺哀號風反火息既葬廬墓三年

廬州府志

孫剪兒舒城人家貧採樵以供母及卒露宿墓側鄰翁憐之爲

結廬墓傍鵲巢樹上悲鳴相應兩虎繞廬達旦而去日以爲常

刻木肖像奉侍終身

一統志
江南通志

沈謹合肥人母喪哀毀廬墓因築牆而泉湧足供墓間灌汲哭

奠則鵲哀鳴成化間旌

一統志
明史孝友傳敘

朱世藩合肥人幼孤事母孝母卒齋棺呼號口眼血出遂喪明

奉旨旌

江南通志

朱震廬州人成化間廬郡火災連焚數百家至震所居火忽飛

越而過震室歸然獨存知府米鏞深爲獎慰士大夫賀之有孝

行格天天監德當年飛火過鄰家之句

江南通志
新增

李善廬州人事繼母丁極孝樵採易米竭力供膳母患瘍割股

以療之

江南通志
新增

衛郡合肥人母病篤思飲泉水是年旱無泉叩天掘井泉水湧

出母飲之而愈人謂之衛孝泉奉旨旌

江南通志

張梅合肥人母疾嘗糞嘗痰復病疽吮出膿血得愈父歿廬墓

奉旨旌

一統志
江南通志

鄭元合肥人五世同居宏治間旌

明史孝友傳敘

沈秉直合肥人年十二一夕比鄰望其家有彩雲巨星之異其

相驚咤已而知其是夜剖股療母疾也奉旨旌

一統志
通志

江南廬州府志

張四象舒城人祖母病剖股療之同邑庠生趙密母病剖股進

得愈

廬州府志

蔡性大合肥廩生居親喪廬墓三年同邑庠生鄭杲父卒廬墓

哀毀骨立遂以孱瘁卒

廬州府志

李得春合肥人年十三父病嘗糞割股母病亦如之及歿俱廬

墓三年冬月有野草花生之異

一統志 江南通志

姜潤巢縣人母病刲股以進得愈

一統志 江南通志

朱展合肥諸生母病篤與妻李氏衣不解帶者三月妻素羸遂

與姑相繼卒展時年未四十誓不再娶歲大旱守令詢致旱之

故備陳廬民愚惑有喪至五六十一年不葬者采其言申久淹之

禁不旬月歸葬者四千七百餘家雨尋沛縣爲申詳云廬陽有

節婦無義夫宜表揚以勵人心准給冠帶

一統志 江南通志 廬州府志

孫文翰廬江人萬歷間舉孝行旌門曰孝化淮南

廬江縣志 新增

胡仕祥舒城人母史氏年二十三寡歸母家遺腹生仕祥仕祥

事母孝有司旌之少時有老人過宿謂仕祥曰汝母奇節汝又
孝汝母百年後當以我席下地葬之未幾史族更回祿廬舍皆
爲榛莽史年九十七卒仕祥葬母老人所指席下地自後家日
起四傳至守恆崇禎戊辰進士以編修殉國難謚文節守恆子
永亨

國朝康熙庚戌進士官雷廉道其餘子弟多顯者舒人以爲節孝
之報

江南通志
新增

朱印舒城人年十七母卒廬墓同邑諸生王介父卒廬墓母病
割胸肉療之及卒廬墓

廬州府志

李大經廬江庠生父病割股以進及卒廬墓同邑詹天瑞庠生
周繼成俱割股廬墓先後旌表

一統志

吳孝子失其名無爲人家貧執役於人每得甘旨必歸以奉母

母卒未葬鄰火延燒力不能救伏棺痛哭火燄他徙左右無一

免者吳廬獨存

一統志
江南通志

章華國無爲人母病篤刺臂血飲之而愈又病異瘡禱於神夢

神指京紅紙薰之果愈母歿三年不茹葷酒竟以羸疾卒

一統志

江南
通志

阮白強合肥人母與祖母相繼病自強並割股救之

廬州府志

祝汝節舒城庠生明季賊陷城被執逃歸見母死灰燼中伏屍

而泣遂自縊於側

廬州府志

葛一本合肥庠生三世同居年十三母病割股二次兄亡撫其

子與孫如己子壬午寇至守南關以身殉焉

廬州府志

王明正合肥人年十五割股以愈母疾

廬州府志

單政巢縣人父亡兩弟一妹俱幼上事母下撫弟同居三世無

聞言廬州府志

蔡少懷舒城人壬午寇攻城少懷與弟小懷守南關賊穴地入

少懷被殺小懷冒白刃與賊爭得負兄屍歸舒城縣志

郭維官舒城人父爲賊執號泣求代賊殺之廬州府志

許名材舒城人寇至負母抱子以逃賊追之母曰可舍我無經

嗣也名材泣曰子可復得母不可復得也遂棄其子免母於難

廬州府志

王玢合肥人寇陷城玢負母逃遇賊身被重創痛哭爲母乞命

賊感而釋之後母病刲股以救子庠生九鼎亦以孝聞合肥縣志

丁遵道巢縣廩生寇至父被執將殺遵道號呼解衣求以身代

賊憫其孝父子俱免廬州府志

李萬化字素公合肥廩生廬州衛指揮僉事長庚子寇陷郡城

時官失守者皆殊死長庚甫綰衛篆禍且不測萬化奔走兩都
請以身代幸遇赦免入

國朝以子天馥貴

贈兵部尚書

廬州府志

朱大政舒城庠生父龍庭死流寇之難大政尋父屍爲賊所執

歎其孝予棺葬之

舒城縣志補遺 新增

李初廬江人親歿廬墓以毀卒建坊旌表同縣諸生徐紹益廬

父墓三年又趙建忠負販養母刲股療疾廬墓三年

廬江縣志 新增

徐方亨廬江人明末流寇之難侍母疾不去賊執之並傷其母

號泣觸樹死

廬江縣志 新增

國朝張維德合肥人明季寇至其父被執將見殺維德甫十齡延
頸就刃求代賊義而釋之順治中父歿哀毀骨立廬墓三年

一統志

志

張振祺廬江人父宏任攜孥知四川嘉定州崇禎壬午城陷被害長子振祚觸石死時振祺以應試回籍蜀道中梗音問俱絕及順治十一年間信奔赴至保甯不得前巡撫李國英拔署梓潼縣三年道始通卽辭官尋母遇之我眉縣年七十餘矣奉以歸

一統志
江南通志

張文達合肥人明季以事詣鄉莊聞寇至奔還於積屍中覓得其父尚未死負行七十里抵莊得全達年至一百三歲

敕建昇平人瑞之坊

一統志
江南通志

高克謹廬江人年十三父爲寇執謹乞身代賊兩釋之

一統志

楊光耀無爲人攻石爲業妻鄭氏養媳也夫婦皆年十四母病兩人割股以進各不相知久之共見癰疽不覺涕泣

一統志
江南通志

沈可器無爲人明末父爲賊傷肝隨刃出可器禱天求醫忽遇

異人授以祕藥服之得愈

廬州府志

沈志允無爲人母病刲股衣不解帶同邑季思慎劉正絃錢榮皆以母病刲股聞又劉有德甫十齡母病刲股吳允誠年十二

父病齧臂以進

廬州府志

沈可弼無爲諸生性孝友父母年皆八十晨昏服侍不暫離兄弟同居不析爨兵燹之後宗族流離歸里者爲之措給衣食子弟俊秀者教之讀

廬州府志

沈守珮合肥人親歿廬墓三年不食肉飲酒同邑庠生周起姜

親歿亦以廬墓聞

廬州府志

魏振趾合肥庠生親歿廬墓同邑胡蔭親疾刲股俱以孝稱

志江

南通志

周愛池合肥人析居後弟業中落鬻所受產愛池予之值而歸

之曰弟善守是其以貽而子也

廬州府志

程汝璞合肥人順治丁亥進士少侍父母有言必長跪以受父

歿事母尤謹年已六十母喪嘔血數升以毀卒

廬州府志

方華合肥人父妾生一子已析產父歿家落復以己產均之少

聘魯氏其女贅父母欲另議婚華不可曰此將誰適遂娶之相

得甚歡

一統志
江南通志

張大履合肥諸生父母歿事兄甚謹兄臥病山居偶思肉食大

履往返數十里市之比還兄已殞遂終身不食肉妻亡念其荼

苦單棲四十餘年

一統志
江南通志

王鳳吾合肥農夫事孀母食必親進夏日坐母涼處而後往田

冬則令妻抱母足眠以爲常

一統志
江南通志

董史合肥人父病刲股以進得愈寇氛後於郊外立義冢掩骼埋齒無算同邑巫萬璵周尚文皆以親疾刲股聞又程懷榮繼母病兩次刲股弟已析居家落復令合爨

廬州府志

郭士英舒城武舉五歲喪父哭泣如成人母歿負土成墳雨雪不顧友愛前母兄及庶弟人無間言同邑歲貢許明時母歿廬墓不茹葷酒四年代兄償負助人嫁娶後官建平訓導

一統志江南

通志

徐行達舒城人遭寇變父爲賊執泣隨其後至潛山夜負逃歸父歿事母尤謹弟行遠寇變時負幼弟相遇賊乞殺己而活弟賊並釋之叔父流落荆襄其父思之行遠不避險阻往尋三載得與俱歸

廬州府志

王明俊舒城人明季寇變與妻鍾氏商日子與姪不能兩全奈

何鍾曰君勉爲鄧伯道可也遂棄其子夫婦負姪而逃

廬州府志

束守顏舒城人與繼室陳氏攜兩子避難其一爲前妻子勢不

兩全陳勸畱前妻子棄己子逃

廬州府志

馬尚義廬江人本姓朱奉母遺命後舅氏蒙馬姓嘗割股以療父疾流寇至奉父出逃遇賊將刃其父奮身請代賊感而釋之

廬州府志

任弼堯廬江人寇至同妻李氏奉母避黃陂湖中遇賊欲刃其母李氏力挽姑後弼堯以身翼前連中七槩湖水爲赤弟必俊救之得不死母亦脫難

廬州府志

許希湯廬江人少負勇力兄希海爲賊執索金甚急希湯直詣賊營請釋希海歸取金而身爲質賊許之居期不至賊欲刃之希湯連仆數賊而去賊追之不及兄弟俱獲全

廬州府志

盧應京無爲人流賊陷州執其父索金無有將殺應京哭請代

賊義而釋之後父歿廬墓三年

廬州府志

高登奇舒城人寇臨城兄弟依母不肯避城陷登奇負母率弟

墜城而下遇賊傷幾死負母不肯釋賊憐而釋之

廬州府志

郭尚謙字吉六舒城歲貢康熙十八年早蝗尚謙繪圖陳之督

院得賑台邑德之後官懷遠訓導以母艱歸廬墓三年起補祁

門訓導前後皆得士心

舒城縣志

張一綸無爲人三齡失怙奉母極孝九歲時母病危籲天請代

得愈友愛兄弟推財讓產雍雍如也二子熹烈俱以孝友聞且

樂善好施戚族待以舉火者甚眾嫁娶喪葬傾資助之里有義

門之目

一統志
江南通志

賈文彪舒城貢生事親孝撫孤姪四人不異己子業中落者以

己產與之雍正九年

旌表建坊

一統志
江南通志

程汝瑾合肥諸生母年九十失明寢食扶持夙夜不懈妻余氏

亦能孝養姑病刲股和藥遂愈汝瑾尤好施貧不能喪葬者竭

力周之歲餼捐米二百石助賑

廬州府志

李集合肥人年十三繼母病刲股療之析產時長兄食指繁多

遂以己產益之同邑張維父病刲股籲天得愈

廬州府志

李山合肥人六世同居乾隆丙午歲歉捐千金以賑人皆義之

廬州府志

束懋官舒城人母患痿躄無晷刻離兄弟析居推肥取瘠後以

兩弟家落復合爨

廬州府志

靳三益舒城諸生與弟三友三傑怡怡一堂不析爨又同志建

宗祠置祭田每歲暮捐穀百餘石周卹鄉里今子孫仍遵行之

廬州府志

廬州府志

許鍾彥廬江人母病臥鄰火延及鍾彥年十三負母冒火出後母病篤割股療之同邑諸生許士浩年十二刺血療父目又歲貢黃河清年十歲割股療母疾又姚錫綸母病割股以進得愈

廬州府志

李善廬江人幼孤家貧樵採以養繼母母病癡目不交睫衣不解帶者累月又割股以進不效及卒哀毀骨立人稱純孝

廬州府志

李逢麟廬江人母病籲天請代勿藥而瘳鄰有許姓者爲盜所

誣陷大辟力救之得昭雪又捐田及市房儲積以贍族人救荒

掩骼義舉尤多

廬州府志

宋志靈廬江拔貢當選以繼母病不赴母歿廬墓三年兄弟析

產推腴讓兄以子衡貴

贈通議大夫

一統志 江南通志 廬州府志

李塏廬江諸生與從兄塏同居庭無間言兄歿姪抱沈疴撫姪

孫成立後析產田廬器物一無所私助婚喪賑荒歛焚借券人

稱長者

廬州府志

周敬寵無爲人母孀居先意承志無微不至及卒敬寵年已六

十三猶作孺子泣

廬州府志

吳嘉訓無爲人父病噎膈嘔逆嘉訓輒涕泣嘗其所吐孀患目

盲每旦舐之孀目復明方父病劇思食江魚求之弗得父歿見

魚輒泣不食里有火災拜而祝之火自息又有邪魅巫驅不去

嘉訓一過而絕平生爲學以朱子爲宗尤邃於易

廬州府志

朱夢無爲人以善丹青游於合肥聞母病徒步奔歸一晝夜行

三百里而至封股兩次不使人知偶於暑月解衣見其癰痕始

相驚歎廬州府志

倪良增無為歲貢母歿廬墓三年孫光復值父祖兩喪廬墓三

年母歿又結茅家次三年雖盛暑纓絰不去身廬州府志

俞質無為人親亡哀毀既葬廬墓有虎闖其扉不為暴郡邑詳

請

旌表建坊廬州府志

胡錡字南賓廬江歲貢性孝友侍父母疾衣不解帶者數月及

卒廬墓葬祭皆秉家禮兄弟四人同居數十年無間後析產推

腴取瘠既授涇縣訓導常分俸以給族鄰立義塾設義冢在官

勤於訓課多士咸以文請質卒於任涇人立石誌德以子觀瀾

詰贈朝議大夫嘉慶二十二年

恩准崇祀鄉賢祠舊志

張應星無為人父喪哀毀廬墓三年墓旁生白芝二本母歿亦

廬墓乾隆三年

旌表建坊

一統志廬州府志

馮尙謙無為人年十二父病十旬不解衣帶母卒廬墓三年廬州府志

府志

王廷松無為庠生父歿哀毀廬墓三年廬州府志

陸世道無為人年十二同兄赴塾兄失足墮水世道躍入救之

兄起而世道竟溺死廬州府志

張肯耘巢縣庠生親歿廬墓十年早夜哀思致疾而卒同邑蔣

永兆母卒廬墓三年廬州府志

奚崇榮巢縣人母病割肝以進得愈同邑蔣聯芳繼母病割股

愈之又周之才年十五母病三次割股以進得愈劉學堯亦割

股療父病廬州府志

魏游錫巢縣人父善醫以其術遠遊塞外時游錫甫周歲稍長

誓尋父年十七子身往由都門歷口外數千里至宣化府得抵

父寓父已先卒哭詣墓所哀毀異常土人欽其孝資以路費負

骸而歸廬州府志

張鼎舒城增生幼失恃事父及繼母至孝父病禱神求代及卒

喪葬盡禮巡撫某書扁額以獎之廬州府志

蔡春芳舒城人母病痿痺偕妻李氏日夜跪哺湯藥兩膝皆腫

暑月蟲咬無完膚母起臥必負之冬月呼飲食必煮以進衣不

解帶以爲常廬州府志

任天吉舒城人家貧事母孝嘗負米百里塗次不炊食或訝之

曰吾米以奉母敢先食耶

廬州府志

孔興道舒城人父有足疾經二十餘年親爲吮膿弟卒撫其孤

教讀婚娶如己子

廬州府志

高重瑛舒城貢生母歿廬墓官旌德教諭

廬州府志

朱品合肥人母病刲股以進居喪哀毀骨立春秋祭輿涕泗橫

流終身如一日

廬州府志

蔡殊英合肥增生將葬父有期疾作危甚家人代營葬事前一

日夢中泣而寤曰日及葬期乎家人諱之英泣然曰此何事忍

弗顧耶雖死必往遂強起下窆封土而還

廬州府志

蔡崇合肥人事孀母孝母性嚴常令跪中庭不命之起不敢起

母歿哀毀嘔血數升五日而卒

廬州府志

徐浚霄合肥人父病危浚霄每日五更詣城隍廟求以身代父

果愈越七日忽咤曰城隍神遣輿馬迎我遂卒妻湛氏年二十

一祝舍斂畢絕食九日死

廬州府志

周治昌合肥廩生少孤事母孝家貧典衣稱貸以供甘旨母止之不改加以呵怒婉容受亦不變也母歿歲時上食哭泣盡哀

與兄友愛無間

廬州府志

夏貢西合肥諸生九齡時母病篤號泣呼天祈以身代已而漸差母卒哀甚恐傷父心中夜飲泣及父歿哀毀幾至滅性既葬

朝夕往來墓所若定省然

廬州府志

孔時舒城廩生家貧以授徒爲養父病偏枯飲食起居皆賴扶持出課生徒入侍湯藥三年如一日嘗於途中拾遺金俟其人

還之

廬州府志

金之賜無爲人親喪哀泣不欲生葬祭如禮年踰七旬事後母

猶循循如孺子

廬州府志

季國瞻無爲諸生九歲父患疔以口吮之年十二父歿哀毀母病嘗糞以驗及卒廬墓三年乾隆三十八年

旌表建坊

廬州府志

錢承禧無爲庠生父歿廬墓三年乾隆五十九年

旌表建坊

廬州府志

童炯合肥人父溺於水炯躍入救父得生而炯竟溺死嘉慶二年

旌表建坊

廬州府志

鄭曦巢縣諸生父喪廬墓三年嘉慶三年

旌表建坊

廬州府志

沈邦珽合肥庠生父病與弟庠生邦連俱欲割股邦珽曰兄先

弟後遂割股以進父得愈同邑徐尊孔王炯尙楊德山李士勇

王秉燮陸之煜及十一歲童王文傑皆以割股療親聞

合肥縣志

杜東儀合肥人母病渴刺臂血飲之立愈同邑吳解原父病痰

不能吐以口吸之得出

合肥縣志

高截舒城人事親孝友愛諸弟親歿時截年已六十八哀哭如

孺子嘉慶十二年

旌表建坊

舒城縣志

高華舒城歲貢署婺源訓導母病服侍湯藥三年不懈及歿哀

毀幾至滅性父卒亦如之廬墓三年平居闕戚族修學宮皆踵

成父志不惜千金嘉慶九年

旌表建坊

舒城縣志

張良弼舒城人親歿合葬廬墓三年二犬一貓隨之不去邑欲

以孝詳請堅辭不受

舒城縣志

鄧國玉舒城人少孤貧傭工以養母母有宿疾衣服穢器親為洗滌母戒之則俟母睡而為之數十年如一日

舒城縣志

劉錕無為庠生居父母喪皆廬墓三年嘉慶十七年以孝行

旌表建坊

司冊

江毓興合肥人道光元年以孝行

旌表建坊

司冊

方寬合肥人道光二年以孝行

旌表建坊

司冊

劉邦星合肥人道光六年以孝行

旌表建坊

司冊以上舊志

吳淩雲廬江人事母至孝侍疾六年廬墓三年乾隆中卒

廬江縣志

新修以下

楊文燭廬江人康熙時割股療母目疾罔效剖腹取肝療之母

目復明廬江縣舊志

李昉楸字靈再合肥進士母歿廬墓三年父病篤醫禱皆窮至

於嘗糞合肥縣志

許樹型字潔庵合肥監生父病侍湯藥三月親嘗其糞合肥縣志

李文行舒城人母病文行嘗糞旋愈又農人徐從聞繼母病侍

湯藥九年如一日舒城縣志

孫天德合肥庠生杜向榮合肥人均廬母墓三年合肥縣志

孫佐標合肥人幼隨父寓桐城父歿力役乞食養母母歿依墓

寢處者數年桐城縣志

李振莊僧生丁茂組理問俱廬江人並廬父母墓六年均蒙

旌表又曹殿樸廬父墓三年

廬志

到藻舒城監生親歿廬墓三年

舒城志

周德三無爲文生道光時廬父墓三年又范進階閔瑤林潘光

淮庠生蕭文明劉宗植周榮桂俱親歿廬墓

無爲州志

方以臨巢縣增生乾隆間母歿廬墓又金錦堂道光間廬母墓

五年方迪誥胡效廉俱咸豐初陳組綬同泊初俱母歿廬墓效

廉組綬廬墓時髮賊竄至均各殉難

巢縣志

單廷琯字柯亭巢縣監生刲股療父同弟康生廷蜚廬墓三年

巢縣志

李起高合肥人家貧無妻子訓蒙養母侍湯藥浣衣物廁踰至

老不衰

合肥縣志

查春泉字幹甫合肥從九品母病刲股母歿廬墓而卒

合肥縣志

褚文翠合肥人生母繼母病皆割股以療又附貢范均割股療

母

合肥縣志

葉魁玉合肥農人母病刺血割股以療顧天減己壽以益母夢

神與藥母疾遂瘳又有代無爲州人賸子婦并助資完娶事先

是此人欲嚮與魁玉堅卻之

合肥縣志

楊縈無爲監生道光元年割股療父

無爲州志

朱大義無爲人祖病割股以療又季宗嗣年十五割股療父倪

盛猷年十四割股療母庠生朱雲謨布經歷倪以翁民人朱正

煥王自強俱割股療父季大官歲貢趙步雲俱割股療母袁邦

穀兩次割股愈父母疾

無爲州志

黃志勝字繼堂巢縣人父母病割股以療市貨周家口客誤投

百金還之

巢縣志

錢世封廬江人樵薪養母年十五割股愈母疾廬江縣志

李世奎無爲人傭工養母母病目舐之復明無爲州志

王運咸字受虛合肥貢生兄與姪繼逝事嫂盡禮撫二從孫皆

成立弟亦早卒教其子入泮并割己產以贍之嘉慶甲戌大旱

鄰有售屋者與之值而還其券合肥縣志

靳學涪舒城廩生歲饑負米養親積勞成疾父病猶力疾侍奉

冬夜深父命之寢及席而歿又有靳學思者割股療母舒城縣志

王文坤無爲人九歲喪父哀哭盡禮及長傭書養母母歿歲節

哭墓數十餘年無爲州志

孟春沂合肥監生侍父病十五年不懈父喪哀毀後因弟春熙

病賊至不去同遇害合肥縣志

劉福恆合肥人身入賊巢救父以出復與其儕擊賊日有斬獲

尋受重傷死

合肥縣志

黃樹琪合肥文生咸豐間粵賊犯合肥城陷樹琪侍父疾不去會父卒自經同時有黃承藻王琳金士金法吳德慶張家禮弟家祿家誥均以救父擊賊被害闕功進王登鼈胡永隆從九品蔡熊林文生孟兆辰范儲吉均以護母遇賊被害吳道坦以祖母遇難擊賊死黃承澤以侍兄病城陷死

合肥縣志

許習禮廬江人髮賊焚掠習禮同妻邢氏救護母柩均遇害

廬江縣志

縣志

程學達程學灼童道貫俱舒城人先後遇賊學達救父學灼救母道貫救兄均被害學灼子之度之良並死之

舒城縣志

汪樂善無爲人咸豐三年髮賊竄州負母避於天花寺賊至不

大過害

無爲縣志

汪言俊無爲文章咸豐四年髮逆掠其父言俊免父於難而身

死之

無爲州志

湯登榜巢縣監生咸豐五年帶練剿賊長岡還見父母均已遇難憤恨而死

巢縣志

高理法巢縣人咸豐七年賊掠其母往救遇害又李洪節入賊巢尋親被害郭舉福郭舉祿兄弟友愛咸豐七年遇賊舉祿被執舉福請代被殺祿罵賊亦死之

巢縣志

黃灼巢縣人從九品咸豐八年負父避難賊追及灼曰殺我勿傷吾父也賊殺之父乃免

巢縣志

金承矩廬江人咸豐十一年賊執其父請代得免承矩死之

廬江志

志

秦訪舟夏大剛俱無爲人均遇賊救父被害

無爲州志

張升根無爲人咸豐十一年升根年十三母被賊害大罵死之

無爲州志

鄭念敏巢縣文童咸豐十一年髮賊竄巢念敏侍母病不暫離

母卒斂畢自經又張義和陳文煥俱以侍母病遇害

巢縣志

翟朝綱巢縣人同父被賊執朝綱求釋其父賊并殺之

巢縣志

季萬金無爲人同治二年髮賊自巢縣至萬金侍母不去與母

妻及子全家死難

無爲州志

于原軾無爲人同治二年髮賊至原軾侍母不去俱遇害

無爲州烈

女志

王道清合肥人廬父母墓各三年同治四年

旌父李堂中侍母病十餘年及卒廬墓同治九年

旌表

合肥縣志

劉藻舒城監生道光年以孝子

旌表

舒城縣呈冊

陳榮貴廬江人咸豐年以孝子

旌表

廬江縣呈冊

周傳緒無爲州人光緒二年以孝行

旌建祠坊科